


ಮದಪ್ಪೆರಾವಂದಿ ತುಳುವೆರ್ ಮಾಲಿಕೆ - ೨೯

ತುಳುಕೂಟ ಸಂಸ್ಥಾಪನಾಧ್ಯಕ್ಷೆ

ಎಸ್. ಆರ್. ಹೆಗ್ಡೆ



ರತ್ನಕುಮಾರ್ ಎಂ.



ಕರ್ನಾಟಕ
ತುಳು ಸಾಹಿತ್ಯ
ಅಕಾಡೆಮಿ

ಮದಪ್ಪೆರಾವಂದಿ ತುಳುವೆರ್ ಮಾಲಿಕೆ - ೨೯

ತುಳುಕೂಟ ಸಂಸ್ಥಾಪನಾಧ್ಯಕ್ಷೆ
ಎಸ್.ಆರ್. ಹೆಗ್ಡೆ
(ಶೆಟ್ಟಿಬೆಟ್ಟು ರಮಾನಂದ ಹೆಗ್ಡೆ)

ರತ್ನಕುಮಾರ್ ಎಂ.



ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ
ಮಹಾನಗರಪಾಲಿಕೆ ಕಟ್ಟಡ, ಲಾಲ್‌ಬಾಗ್, ಮಂಗಳೂರು - 575 003

**TULUKOOTA SAMSTHAPANADYAKSHE S.R. HEGDE (SHETTYBETTU
RAMANANDA HEGDE)**

Life sketch and works of S.R. Hegde, Founder, Tulu Koota Mangalore
by Ratnakumar M., 'Rajathashree', New Road, Kadri Temple,
Mangalore - 575 004.

Author

Ratnakumar M.

Chief Editor

Dr. Palthady Ramakrishna Achar

President

Karnataka Tulu Sahitya Academy

Publisher

Chandrasahsa Rai B.

Registrar

Karnataka Tulu Sahitya Academy

First Edition : 2011

© : Karnataka Tulu Sahitya Academy

Pages : 32

Price : ₹ 30

Cover Design : **Kalloor Nagesh**

Designed & Printed at :

Aakrithi Prints

K.S. Rao Road, Mangalore – 575 001

Tel. : 0824 2443002

ಗುರ್ಕಾರ್ತನ ಮದಿಪು

ತುಳುವೆರ್ ಪಿರಾಕ್ ಡ್ವಿಂಚಿ ನಡತೊಂದು ಬತ್ತಿನ ಆರಾಧನೆ, ಆಚರಣೆ, ನಂಬೊಳಗಲೆನ್ ಮಾತ ಒರಿತೊಂದು ಬತ್ತಿನಕುಲು. ಅಂಚಾದೇ ತುಳುನಾಡ್ ಪುಣ್ಯೊದ ನಾಡ್‌ಂದ್ ಪುದರ್ ಪಡೆತ್‌ಂಡ್. ಕರಿದ್ ಪೋಯಿನ ಎಡ್ಡೆ ವಿಸಯೊಲೆನ್ ಒರಿತೊಂದು ಪೋಪಿನವು ಎಡ್ಡೆ ಸಂಸ್ಕೃತಿ. ಸಂಸ್ಕೃತಿ ವೈಜ್ಞಾನಿಕತೆದ ಸುತ್ತುಗಟ್‌ಡ್ ಉಪ್ಪೊಡು. ಸಾಮಾಜಿಕ ಪ್ರಜ್ಞೆ ಬೊಕ್ಕ ಧಾರ್ಮಿಕ ನಿಲೆಗಟ್ ಅಯಿಕ್ ಬೋಡು. ಅಂಚಿನ ಸಂಸ್ಕೃತಿಯೇ ದುಂಬೊತ್ತೊಂದು ಪೋಪುಂಡು. ಬಾಸೆ, ಸಾಹಿತ್ಯ, ಕಲೆ, ಪರಪೋಕು, ಸೇವೆ - ಉಂದು ಮಾತ ಸಂಸ್ಕೃತಿದ ಬಾಗೊಲು. ನೆನ್ನ ಒರಿತ್‌ದ್ ಬುಳಪಯರೆ ಗಾದ್ ಬೆಂದಿನ ತುಳುವೆರ್ ಏತೋಜನ. ತುಳುವೆರ್ ಪಂಡ ಬಜೀ ತುಳು ಅಪ್ಪೆ ಬಾಸೆದಕುಲು ಮಾತ್ರ ಅತ್ತ್, ತುಳುನಾಡ್‌ಡ್ ಜಲ್ಮೊಗು ಬತ್ತಿನಕುಲು, ತುಳು ಬಾಸೆ ತೆರಿನಕುಲು, ತುಳುತ ಬಗಟ್ ಉಡಲ್ ದಿಂಜಿ ಹಗ್ಗಲೆಕ ದೀಪೊನ್ನಕುಲು ಮಾತ ತುಳುವೆರ್.

ಒವ್ವಾಂಡಲಾ ಒಂಜಿ ಮರ್ಗಿಲ್ಡ್ ತುಳುಬಾಸೆ ಸಂಸ್ಕೃತಿ, ತುಳು ಸಂಪೂರ್ತುದ ಬುಳೆಚಿಲ್‌ಗಾದ್ ಆಕುಲೆ ಸೇವೆ ಸಂದ್‌ದಿತ್ತಂಡ ಅಂಚಿನ ಪುಣ್ಯಾತ್ಮರೆನ ಬದ್ಡಾ, ಸಾಧನೆಲೆನ್ ನೆಂಪುಡು ಒರಿತೊನುವು ನಮ್ಮ ಧರ್ಮೊ. ಈ ನಿಲೆಟ್ ಕರಿದ್ ಪೋಯಿನಕುಲೆನ ಪುದರ್‌ಡ್ ಆಕಾಡೆಮಿ ಬೂಕುಲೆನ್ ಬರೆಪಾದ್ 'ಮದಪ್ಪೊವಂದಿ ತುಳುವೆರ್' ಪನ್ನಿ ಗ್ರಂತ ಮಾಲೆಡ್ ಬೊಳ್ವುಗು ಕನವೊಂದುಂಡು.

ಎಸ್.ಆರ್. ಹೆಗ್ಡೆ ಪಂಡ್‌ದ್ ಪುದರ್ ಪಡೆಯಿನ ಶೆಟ್ಟಿಬೆಟ್ಟು ರಮಾನಂದ ಹೆಗ್ಡೆರ್ ಕುಡಲದ ತುಳುಕೂಟದ ಸುರುತ ಗುರಿಕಾರೆ. ಎಸ್.ಯು. ಪಣಿಯಾಡಿ ತುಳು ಚಳವಳಿ ಮಲ್ತ್‌ದ್ ಬದ್‌ಕ್‌ಡ್ ಬಂಜ ತಡೆವನಿಯರೆ ತೀರಂದೆ ಮಧುರೈಗ್ ಪೋಯಿ ಬೊಕ್ಕ ತುಳುತ ಚಳವಳಿ, ಬರವಣಿಗೆ ತುಳುನಾಡ್‌ಡ್ ಉಂತುದೇ ಪೋಂಡು. ತುಳು ಬಾಸೆ, ಸಾಹಿತ್ಯ ಬುಳೆಚಿಲ್‌ಗ್ ಬರೊಡುಂದು ಮಾತೆರೆಗ್‌ಲ ಮನಸ್ ಇತ್ತಂಡಲ ಮುತಾಲಿಕರಾದ್ ದುಂಬುಂತುದು ತೈನಾತಿನೆಕ್‌ಲೆನ್ ಒಟ್ಟು ಸೇರಾವೊಂದು ಪೋಪಿನ ತಂಕದ ಕುಲು ಏರಾಲಾ ಪುಟ್ಟುದು ಬೈದಿಚೆರ್. ಆ ಪೊರ್ತುಗು ತುಳು ಬಾಸೆ, ಸಂಸ್ಕೃತಿಗ್ ಕರ್ಜಿಮ ಕಬದಿತ್ತಂಡ್. ಕರ್ಜಿಮನ್ ತೆಲಪದ್ ಬೊಲ್ಪು ತೋಜವುನ ಕಜ್ಜೊ ಕೈಕೊನ್ನರೆಗಾದ್ ದುಂಬು ಬತ್ತಿನ ನೆಸರ್ ಪಂಡ ಎಸ್.ಆರ್. ಹೆಗ್ಡೆರ್.

ವಕಾಲತಿಗಿದ ಬರವು ಕಲ್ತ್‌ದ್ ಎಡ್ಡೆ ವಕೀಲರಾದ್ ತನ್ನ ಕಸುಬು ದೊಟ್ಟಿಗೆನೆ ಸಮಾಜ ಸೇವೆದ ಬೇಲೆ ಬೆಂದೊಂದು ತುಳುಕುಲ ಒಂಜಿ

ಮಾನಾದಿಗೆ ಉಂಡು ಪೆಂಡ್‌ಡ್ ತೋಜದ್ ಕೊರ್ತಿನಾರ್ ಹೆಗ್ಗರ್. ಹೆಗ್ಗರ್ ವೃತ್ತಿಡಾವಡ್ ಪ್ರವೃತ್ತಿಡಾವಡ್ ಪ್ರಾಮಾಣಿಕ ನರಮಾನಿ, ಧೈರ್ಯವಂತೆ. ತನ್ನ ಕೆಲಸೊಡು ಒರೊಕು ಸೋಲು ಬತ್ತಂಡಲಾ ಸೋಲು-ಗೇಲ್ ಸಾಸ್ತೆ ಆತ್ ಸೋಲೇ ಗೇಲ್‌ದ ಮೊಟ್ಟೆಕ್ಲೆ ಪೆಂಡ್‌ಡ್ ತೆರಿಯೊಂಡಿನಾರ್. ತನ್ನ ಆಪ್ತೆ ಬಾಸೆ ಅವು ಕೀಳತ್, ಮಾತ ಬಾಸೆದ ಲೆಕ್ಕೊನೇ ಒಂಜಿ ಪೊರುಡ್ ಬಾಸೆ, ಪಿರಾಕ್‌ದ ಬಾಸೆ ಪನ್ನಿ ಬಾವನನ್ ಉಡಲ್ ನಿಲ್ಚೆ ದಿಂಜವೊನ್ನಾರ್. 1970ಡ್ ಕುಡಲಡ್ ಆರ್ ತುಳುಕೊಟದ ಕೊಡುಕಟ್ಟೆ ಕಟ್ಟುನ ಪೊರ್ತುಗು ಆರ್‌ಗೆ ದಿಂಜ ಬಂಜ ಆದುವು. ದಾಯೆ ಪಂಡ ನೆಕ್ ರಡ್ಡ್ ಕಾರಣ. ತುಳು ಪಂಡ ಅವ್ವೊಂಜಿ ಚೆಲ್ ಬಾಸೆ, ಐಕ್ ಲಿಪಿ ಇಜ್ಜಿ ಓದು ಬರವು ತೆರಿಯಂದಿ ಬಡ ಜನೊಕುಲು ಪಾತೆರುನ ಬಾಸೆ ಪೆಂಡ್‌ಡ್ ಒಂಜಿ ಅಭಿಪ್ರಾಯ. ಕುಡೊಂಜಿ ಕಡೆಟ್ ಇಂಗ್ಲೀಷ್ ಕಲ್ತನ ಮಲ್ಲ ಜನೊಕ್ಕು ಇಂಗ್ಲೀಷ್ ಮಲ್ಲ ಬಾಸೆ, ಅಯಿನ್ ಬುಡ್‌ಂಡ ಕನ್ನಡ ರಡ್ಡೆನೇ ಬಾಸೆ. ಮೂಜನೇ ಬಾಸೆ ತುಳುಂದು ಕಲ್ತಿನಕುಲೆನ ವಾದ. ತುಳುನು ಕಲ್ತಿನಂಚಿನ ವಿದ್ವಾಂಸರ್, ಅಧಿಕಾರಿಲು ತುಳು ಪಾತೆರುನ ತಪ್ಪೆಂದು ಪನ್ನಿನ ಏತೋ ಜನೊಕುಲಿತ್ತರ್. ಈತೆ ಆತ್ತಂದ ತುಳುನಾಡ್‌ದ ಜನೊಕ್ಕೆಗ್ ತನ್ನಲೆನ ಆಪ್ತೆ ಬಾಸೆದ ಮಿತ್ತೆ ಅಬಿಮಾನ ಇಜ್ಜಂದಿನ ಕುಡೊಂಜಿ ಮಲ್ಲ ಕಾರಣ. ಇಂಚ ತುಳು ನಿಲೆದಾಂತಿ ಪೊರಕೊಲಿ ಬಾಸೆ ಆದಿತ್ತಿ ಪೊರ್ತುಗು ಐತ ಬುಳೆಚಲ್‌ಗಾದ್ ಮುಟ್ಟಿ ಬರುವ್ವನ ಜನಕುಲೇ ಇಜ್ಜಾಂಡ್. ಆ ಪೊರ್ತುಗು ಜಾತಿ ಪದ್ಧತಿಡ್ ಮುಟ್ಟಿರಾವೆಂದ್ ಪನ್ನಿ ನೆಲೆಟ್ ಜನಕುಲೆನ್ ಮಿತ್ತೆ ವರ್ಗದಕುಲು ಎಂಚ ದೂರ ದೀವೊಂದಿತ್ತೆರಾ ಅಂಚನೇ ತುಳುನುಲ ದೂರ ದೀವೊಂದಿತ್ತೆರ್. ತುಳುನಾಡ್‌ದ ದಿಂಜ ಜಾತಿದಕುಲು, ಇಂಗ್ಲೀಷ್ ತೆರಿಯಂದಿನಕುಲು ಕನ್ನಡೊಡು ಪಾತೆರೆಗ್ ಸುರು ಮಲ್ತೆರ್. ಸಾಲೆಡ್ ಜೋಕ್ಕು ತೆರಿಯಂದೆ ತುಳು ಪಾತೆರಿಯೆರ್‌ಂಡ ಮಾಸ್ತುನಕುಲು ಜೋಕ್ಲೆನ ನಾಲಯಿ ಕತ್ತೆರಿಯೆರೆಲಾ ತೆಯಾರಾದಿತ್ತೆರ್. ಇಂಚಿನ ಸಂಕಟದ ಕಾಲೊಡು ತುಳುನು ದೆರ್ ಪತ್ತಿನಾರ್ ಹೆಗ್ಗರ್.

ತುಳು ಕುಡಲಡ್ ಮಾತ್ರ ಆತ್ ಇಡೀ ಜಗತ್‌ಗೇ ಪಸರೊಡು ಪನ್ನಿನ ಮಲ್ಲ ಆಸೆ ಆರೆನವು. ಕುಡಲಡ್ ತುಳುಕೊಟ ಉಟರ್ನ್ ಮಲ್ತಿ ಬೊಕ್ಕ ಆರ್ ಬೇತೆ ಬೇತೆ ಕೋಡಿಡ್ ಓಲೋಲು ತುಳುವರ್ ಎಚ್ಚೆ ಸಂಖ್ಯೆಡುಲ್ಲೆರಾ ಅಲ್ಲ ಪೊರ ತುಳುಕೊಟ ಉಟರ್‌ನ ಮಲ್ತೆರ್. ಪುತ್ತೂರು, ಮಡಿಕೇರಿ, ಕಾಸರಗೋಡು, ಮುಂಬೈ, ದೆಹಲಿ, ಹೈದರಾಬಾದ್, ಬರೋಡಾ ಇಂಚ ಬೇತೆ ಬೇತೆ ಕೋಡಿಗ್ ಪೋದು ತುಳುವರ್ನ್ ಒಟ್ಟು ಸೇರಾಯೆರ್. ಮಾತ್ರ ಆತ್ ಕಡಲ ಪಿದಾಯಿ ದುಬೈಗ್ ಪೋದು ಅಲ್ಲಲಾ ಮೂಜಿ ನಾಲ್ ಕಡೆಟ್ ತುಳುಕೊಟ ಕಟ್ಟೆರ್. ಆರೆನ ಅಹಂಕಾರ ದಾಂತಿನ ಮನಸ್, ವಾದೊಡ್ ಮನವರಿಕೆ ಮಲ್ತೆದ್ ಗೆಲ್ವುನ ಶಕ್ತಿ, ತೆಲೆಕದ ಮೋನೆ, ಧೃಢನಿರ್ಧಾರ ಈ ಎಡ್ಡೆ ಗುಣೊಕುಲು ಆರೆಡ ಇತ್ತೆನೆಡ್ವಾವರ ಈ ಸಂಘಟನೆ ಮಲ್ತೆರ ಆರ್‌ಗೆ ಸಾಧ್ಯ ಆಂಡ್. ತುಳುಕೊಟಲೆನ ಉಟರ್ ಮಾತ್ರ ಆತ್ ಕೆಲವು ತುಳು ಸಮ್ಮೇಳನೊಲೆನ್ ಕೂಡ ಆರ್ ನಡಪಾಯೆರ್. ತುಳು ಪತ್ರಿಕೆಲ್ ಬೊಲ್ವುಗು ಬರಿಯೆರೆ ಉಮೇದ್ ಕೊರಿಯೆರ್. ಸಂವಿಧಾನದ 8ನೇ ಪರಿಚ್ಛೇದೊಡು ತುಳುನು ಸೇರಾವೊಡು ಪೆಂಡ್‌ಡ್ ಪುಣೆಯೆರ್. ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ ಉಂಡಾಯೆರೆಗ್ ಆರೆನ ಉತ್ತೇಜನೇನೇ ಕಾರಣೊಂದು ಪನೊಲಿ.

ಆರ್ ಬಜೇ ತುಳು ಬಾಸೆದ ಮಾತ್ರ ಆತ್ ಒಟ್ಟು ಸಮಾಜೊದ ಉದ್ಧಾರಗಾದ್ ಹೋರಾಟ ಮಲ್ತಿನಾರ್. ಅಪಗದ ಪೂರ್ವಡು ಕೆಲವು ಜಾತಿದ ಜವ್ವನರೆಡ ಬದಿತ ಕೊಡಿ ಬಾರಿ ಎಕ್ಸ್‌ಪ್ಲಿಕ್ಟ್‌ಂಡ್. ಬದಿ ದೆತ್ತೊಂದ್ ಮದಿಮೆ ಆಪಿನವು ಕಾನೂನು ಪ್ರಕಾರ ತಪ್ಪಾಂಡಲಾ ಗುಟ್ಟುಡು ಬದಿತ ವೈವಾಟ್ ನಡಪಪೊಂದಿತ್ತೆರ್. ಕಮ್ಮಿ ಬದಿ ಕೊರು ಪೊಣ್ಣ್ ಮದಿಮೆ ಮಲ್ತ್ ಕೊರ್ಪಿನ ತ್ತುಲೆನ ಗತ್ತಗ್ ಕುಂದುದು ಕೆಲವು ಆಪ್ತೆ ಅಮ್ಮೆಲ ಎನ್ನೊಂದಿತ್ತೆರ್. ಬದಿತ ಎದುರುಂತುದು ಹೋರಾಟ ಮಲ್ತಿನಾರ್ ಹೆಗ್ಡೆರ್. ಬದಿ ಕೇನುನಕ್ಲೆನ್ ಕೋರ್ಬುಗ್ ಒಯ್ತದ್ ಮೂಜಿ ಪೊಣ್ಣುಲೆನ್ ಬದಿ ದಾಂತನೇ ಮದಿಮೆ ಮಲ್ತ್ ಕೊರೆಯಿನಾರ್ ಹೆಗ್ಡೆರ್. ಅಂಚ ಸಮಾಜದ ಸರ್ವಾಂಗೀಣ ಎಡ್ಡೆಪ್ಪುಗಾದ್ ಸೈಪುನಾಡೆ ಮುಟ್ಟಲಾ ಬೇಲೆ ಬೆಂದಿನಾರ್.

ಆರೆನ ಇಚ್ಛೆ ಪ್ರಕಾರ 1994ಡು ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ ಉಟರ್ ಆಂಡ್. ಆರ್ ಅಕಾಡೆಮಿಡ್ ಸದಸ್ಯರ್ದ ಆದಿತ್ತೆರ್. ಪ್ರೊ. ಬಿ.ಎ. ವಿವೇಕ ರೈಕ್ಲು ಸುರುತ ಗುರಿಕಾರರಾದಿತ್ತೆರ್. 1996ಡು ಆರ್ ತೀರ್ ಪೋಯೆರ್. ಅಪಗ ಯಾನ್ ಅಕಾಡೆಮಿದ ರಿಜಿಸ್ಟ್ರಾರ್ ಆದಿತ್ತೆ. ಆರ್ ತೀರ್‌ಪೋಯಿನ ಸುದ್ದಿ ಕೇಂಡ್‌ದ್ ಎಂಕ್ಲ ರಡ್ಡ್ ಜನಲಾ ಆರೆ ಇಲ್ಲಡೆ ಪೋದು ಕಡೆ ಸೊಲ್ತೆ ಸಂದಾಯ ಮಲ್ತ್‌ದ್ ಬತ್ತಾದಿತ್ತೆ. ಆರ್ ತೀರ್‌ಪೋಯಿ ಬೊಕ್ಕ ತುಳುಕೂಟದ ಕಜ್ಜಕಾರ್ಯಲ ಒಂತೆ ಪಿರ ಜಾರೊಂದಿತ್ತಿಲೆಕ ತೋಜುಂಡು. ಅಂಚ ಆಯೆರೆ ಬಲ್ಲಿತ್ತೆಂಡ್. ಆರೆನ ಮಿತ್ತಾದ ಮೋಕೆಗಾಂಡಲಾ, ಸೊಲ್ತೆ ಸಂದಾಯಗಾಂಡಲಾ ತುಳುಕೂಟೊಲು ಪಿರ ಲಕ್ಕದುಂತೊಡು. ಅಕಾಡೆಮಿದೊಟ್ಟುಗೆ ಸೇರೊಂದು ಆರೆನ ಇಚ್ಛೆನ್ ಕೋಡಿ ಎತ್ತವೊಡು ಪನ್ನವು ಎನ್ನ ಬಯಕೆ.

ಎಸ್.ಆರ್. ಹೆಗ್ಡೆರೆನ ಬಗೆಟ್ ಬೂಕು ಬರೆವೊಡಂಡ ಅರೆನೊಟ್ಟಿಗೆ ತುಳುತ ಬುಳಿಚ್ಚಿಲ್‌ಗಾದ್ ರಾತ್ರೆ ಪಗಲ್ ಬೆಂದಿನ ರತ್ನಕುಮಾರೆರ್ ಮಾತ್ರ ಯೋಗ್ಯೆರ್ ಪಂಡ್‌ದ್ ಎನ್ನೊಂದು ಆರೆಡ ಈ ಬೂಕು ಬರೆದ್ ಕೊರೈರೆ ಕೇನೊಂಡೆ. ರತ್ನಕುಮಾರೆರ್ ತುಳುತ ಮಲ್ಲ ಅಭಿಮಾನಿ. ತುಳುಕೂಟಡ್ ಕಾರ್ಯಂತೆಯಾದ್ ಬೇಲೆ ಬೆಂದೊಂದಿಪ್ಪಿನಾರ್. ಆರ್ ಕಸುಬುಡು ಪತ್ರಕರ್ತೆ. ಬೇತೆ ಬೇತೆ ಪತ್ರಿಕೆಲೆಡ್ ಕೆಲಸ ಮಲ್ತದರ್. ಇತ್ತೆಲಾ ಮಲ್ತೊಂದುಲ್ಲೆರ್. ಇತ್ತೆ ಆರ್ ಅಖಿಲ ಭಾರತ ತುಳು ಒಕ್ಕೂಟೊದ ಕಾರ್ಯಂತರಾದುಲ್ಲೆರ್. ತುಳುಟ್ಟು ಕೆಲವು ಬೂಕುಲೆನ್ ಬರೆತೆರ್. ಆರ್ ಕವಿಯಾದ್ ರಕುಮನ ಪದೊಕುಲು, ರತ್ನನ ಕರ್ಮ ಇಂಚಿನ ಕಬಿತೆದ ಕೋಪಲೆನ್ ಬೊಲ್ಪುಗು ಕನತ್‌ದರ್. ಮಟ್ಟಾರು ವಿಠಲ ಹೆಗ್ಡೆರೆನ ಬಗೆಟ್ ಬೂಕು ಬರೆತೆರ್. ಕೇಂಡಿ ಸಾತ್‌ಗ್ ಎಸ್.ಆರ್. ಹೆಗ್ಡೆರೆನ ಮಿತ್ತಾ ಅಭಿಮಾನ ದೀದ್ ಬೂಕು ಬರೆದ್ ಕೊರ್ದ ಅರೆಗ್ ಸೊಲ್ತೆಲು. ಅಂಚಿನ ಬೂಕುನು ಬೊಲ್ಪುಗು ಕನತಿನ ಅಕಾಡೆಮಿದ ರಿಜಿಸ್ಟ್ರಾರ್ ಶ್ರೀ ಬಿ. ಚಂದ್ರಹಾಸ ರೈ ಬೊಕ್ಕ ಸರ್ವ ಸದಸ್ಯರೆಗ್‌ಲಾ, ಬೂಕುನು ಪೊರ್ಲು ಪೊಲಿಗಡ್ ಅಚ್ಚಿ ಮಲ್ತ್ ಕೊರ್ದ ಆಕೃತಿ ಪ್ರಿಂಟ್ಸ್‌ದ ಶ್ರೀ ಕಲ್ಲೂರು ನಾಗೇಶ್ ಬೊಕ್ಕ ಕೂಟೊದಕುಲೆಗ್‌ಲಾ ಸೊಲ್ತೆಲು.

ಕುಡಲ

೨೦೧೧ ಬೇಸ್ರ ೧೭

ಡಾ. ಪಾಲ್ವಾಡಿ ರಾಮಕೃಷ್ಣ ಆಚಾರ್

ರಡ್ಡ್ ಪಾತೆರ

ಸ್ವರ್ಗೀಯ ಎಸ್.ಆರ್. ಹೆಗ್ಡೆರ್ ಎನನ್ ತನ ಮೆಗ್ಯಂದೇ ಪ್ರೀತಿ ತೋಚಾದೆರ್. ೧೯೭೦ನೇ ಜನವರಿ ೧೪ ಮಕರ ಸಂಕ್ರಾಂತಿದಾನಿ ಕುಡ್ಲದ ತುಳುಕೂಟ ಪುಟ್ಟುಂಡು. ಆನಿಡ್ಡಿಂಚಿ ಹೆಗ್ಡೆರೊಟ್ಟುಗು ಮಾತ್ರತ್ತಂದೆ ಇನಿಕ್ಲಾ ಕುಡ್ಲ ತುಳುಕೂಟದ ಒರಿ ಸಕ್ರಿಯ ಸದಸ್ಯೆ ಆದುಲ್ಲೆ.

ಎಸ್.ಆರ್. ಹೆಗ್ಡೆರನ ಬದ್ಕದ ಸಂಗತಿಲೆನ್ ಆರೇ ಕುದ್ದು ಎನಡ ಪಣ್ಣೆರ್. ಅಂಚಾದ್ ಈ ಬೂಕು ಬರೆಯೆರೆ ಎಂಕ್ ಸುಲಬಾಂಡ್. ತುಳು ಬಾಸೆ, ಸಾಹಿತ್ಯ, ಸಂಸ್ಕೃತಿ ಉಂದೆತ ಬುಲೆಚಿಲ್‌ಗಾದ್ ಎಡೇನ ಬೇಲೆ ಬಂದಿನ ಹೆಗ್ಡೆರ್ಗೆ ತುಳುನಾಡ್ ಬೊಕ್ಕ ತುಳುಬಾಸೆದ ಬಗ್ಗೆ ಬಾರೀ ಮೋಕೆ ಅಭಿಮಾನ ಇತ್ತೆಂಡ್.

ತನ್ನ ತುಳು ಚಳವಳಿಡ್ಲಾತ್ರಿ ಒಡಿಪುದ ಪಣಿಯಾಡಿಡಾರ್ ಮಲ್ಲಣ್ಣೆಂದ್ ಪನ್ನಾವೊಂಡೆರ್. ಅರೆನಂಚೆನೇ ಕುಡ್ಲಡ್ ತುಳುಕೂಟ ಕಟ್ವೆಡ್ ರಡ್ಡೆನೇ ತುಳು ಚಳವಳಕ್ ಇಂಬಾಯಿನ ಹೆಗ್ಡೆರ್ ಕುಡ್ಲಡ್ ತುಳುತ ಮಲ್ಲಣ್ಣೆಂದ್ ಪನ್ನಾಯೆರ್.

ತುಳು ಸಾಹಿತ್ಯ ಅಕಾಡೆಮಿ ಗುರ್ಕಾರೆ ಡಾ. ಪಾಲ್ತಾಡಿ ರಾಮಕೃಷ್ಣ ಆಚಾರ್ ಈ ಬೂಕು ಬರೆವೆರೆ ಎಂಕ್ ಬೆರಿ ಬೊಟ್ಟೆನಾರ್. ಅಂಚಾದ್ ಡಾ. ಆಚಾರ್‌ಗೆ ಬೊಕ್ಕ ಮದಪ್ಪೆರಾವಂದಿ ತುಳುವರ್ ಗ್ರಂಥಮಾಲೆಡ್ ಉಂದೆನ್ ಬುಡುಗಡೆ ಮಲ್ತಿನ ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿದ ಸದಸ್ಯೆರ್, ರಿಜಿಸ್ಟ್ರಾರ್ ಶ್ರೀ ಬಿ. ಚಂದ್ರಹಾಸ ರೈ ಮೊಕ್ಲೆಗ್ ಎನ್ನ ಸೊಲ್ಲೆಲು. ಈ ಬೂಕುಡು ಇತ್ತಿನ ಪೊಟೊಕೆನ್ ಹೆಗ್ಡೆರನ ಇರ್ವೆರ್ ಜೋಕುಲು ಶ್ರೀ ರಾಜೇಶ್ ಆರ್. ಹೆಗ್ಡೆ ಬೊಕ್ಕ ಶ್ರೀ ರಾಕೇಶ್ ಆರ್. ಹೆಗ್ಡೆ ಕೊರ್ದು ಜಿಂಜ ಉಪಕಾರ ಮಲ್ತೆರ್. ಅಕ್ಲೆಗ್‌ಲಾ ಸೊಲ್ಲೆಲು.

ಉಂದೆನ್ ಓದಿನಕ್ಲೆ ತೆರಿಪಾವುನ ಸೂಚನೆಲೆನ್ ಯಾನ್ ಪ್ರೀತಿಡ್ ಎದ್ದೊನುವೆ.

ರಜತಶ್ರೀ, ಕುಡ್ಲ
ಜೂನ್ 1, 2011

ರತ್ನಕುಮಾರ್ ಎಂ.

ತುಳುಕೂಟ ಸಂಸ್ಥಾಪನಾಧ್ಯಕ್ಷೆ ಎಸ್.ಆರ್. ಹೆಗ್ಡೆ

1927ಡ್ಡ ಸುಮಾರ್ ಪದ್ಮಾಡ್ ವರ್ಸ ಮುಟ್ಟ ಶ್ರೀಕೃಷ್ಣನ ಒಡಿಪುಡು ತುಳುವಪ್ಪೆನ ಗುಡಿತ್ತ ಎದುರುಡು ದಿಂಜದಿ ಕೆದು ಆದಿತ್ತಿನ ಪಣಿಯಾಡಿ ಚಳವಳಿ ಬಚ್ಚಿಡ್ ಪೋಯಿ ಬೊಕ್ಕ 1939-1969ದ ನಡುಟು 30 ವರ್ಸ ಕಾಲ ತುಳುವಪ್ಪೆನ ಸೊರ ಕಂತ್‌ದಿತ್ತಂಡ್.

ತುಳು ಚಳವಳಿಗ್ ಕುಡ ಜೀವಕಲೆ ಕೊರ್ನಾರೆ ಆನಿ ಬಾರೀ ಉಮೇದ್‌ಡ್ ಜವನೆ ವಕೀಲರಾದಿತ್ತಿನ ಶೆಟ್ಟಿಬೆಟ್ಟು ರಮಾನಂದ ಹೆಗ್ಡೆರ್ (ಎಸ್.ಆರ್. ಹೆಗ್ಡೆ). 1969ನೇ ವಿಜಯದಶಮಿ ದಾನಿ ಹೆಗ್ಡೆರ್ ಕುಡ್ಲಡ್ ತುಳುಕೂಟ ಉದಿಪನ ಮಲ್ಲೆರ್.

ಕುಡ್ಲ ತುಳುಕೂಟ ತರೆದರ್ತಿ ಬೊಕ್ಕನೇ ದೇಸೊದ ಕೊಡೀಕಡೆ, ರಾಷ್ಟ್ರ ರಾಜಧಾನಿ ದಿಲ್ಲಿದಂಚಿನ ಮಹಾನಗರೊಲೆಡ್ ಸನಾ ತುಳುಕೂಟ ಅತ್ತಾಡಾ ತುಳುವೆರೆ ಸಂಘ ಸಂಸ್ಥೆಲು ಉಟರ್ನೆ ಆಯೊ. ತುಳುತ್ತ ಈ ಅಭಿಮಾನ ಪರದೇಸೊಲೆಡ್ ಇಪ್ಪಿನ ತುಳುವೆರೆಡಲಾ ಉರ್ಕರ್ಡ್ ಅಲ್ಲಲ ಅಕ್ಕು ತುಳುಕೂಟ ಕಟ್ಟಿಯೆರ್. ಗಲ್‌ಡ್ ಮಸ್ಕಟ್ ತುಳುಕೂಟ, ಕತಾರ್ ತುಳುಕೂಟ, ಯುವಾ ತುಳುಕೂಟ, ಬೆಹರೈನ್ ತುಳುಕೂಟ ಸ್ಥಾಪನೆ ಆಂಡ್. ಈ ದೃಷ್ಟಿಡ್ ತುಳು ಸಂಘಟನೆಲೆನ ಮೂಲ ಕರ್ತಾರೆ ಎಸ್.ಆರ್. ಹೆಗ್ಡೆರ್‌ಗ್ ಮಾತಾ ತುಳುವೆರಾ ರುಣಿಯಾದುಲ್ಲೆರ್. ಅಂಚಾದ್ ಹೆಗ್ಡೆರ್ ತುಳುಚರಿತ್ರೆಗ್ ಬಂಗಾರ್ಡ ಅಧ್ಯಾಯ ಸೇರಾಯಿನ ಪುಣ್ಯಾತ್ಮೆ.

ಒಡಿಪುದ ಪಣಿಯಾಡಿದಾರೆನ ತುಳುನಾಡ್ ಕೂಟ ಗಿರಿದ್ ತುಳು ಸಾಗೋಳಿ ಭೂಮಿ ಪಡೀಲ್ ಬೂರಿ ಮಿತ್ತ್ ಮುಪ್ಪ ವರ್ಸೊಡ್ಲ ಬೊಕ್ಕ ಪುಟ್ಟಿನ ರಡ್ಡನೇ ಕೂಟನೇ ಹೆಗ್ಡೆರೆ ಗುರ್ಕಾರ್ತೆದ ಕುಡ್ಲದ ತುಳುಕೂಟ. ಸುರುತ್ತ ಕಾರ್ತಿ ಸಾಗುವಳಿಗ್‌ಲಾ ಬೊಕ್ಕದ ಸುಗ್ಗಿ ಸಾಗುವಳಿಗ್ಲಾ ಉಪ್ಪು ವ್ಯತ್ಯಾಸನೇ ಉಂದೆಕ್‌ಲೆಡ್‌ಲಾ ಉಂಡು.

62 ವರ್ಷದ ಬಂಗಾರ್ಡ್ ಬದ್‌ಕ್ ಎಸ್.ಆರ್. ಹೆಗ್ಡೆ

ಎಸ್.ಆರ್. ಹೆಗ್ಡೆ ತುಳುಬಾಸೆನೇ ಉಸುಲಾದಿತ್ತಿನಾರ್. ಆರ್ ತುಳುನಾಡ್ಡ ಬಂಗಾರ್ಡ್‌ಚಿತ್ತಿ ಮಣ್ಣೆಡ್ಲೆ ಪುಟ್ಟುದು ಬಲತ್ತಿನಾರ್. ತುಳುನಾಡ್ಡ ಸಂಸ್ಕೃತಿ, ತುಳುಬಾಸೆಗ್ ಬೋಡಾದ್ ಎಡೆನ ಸೊಂದಿನಾರ್. ಸಾರ್ತಕ ಬದ್‌ಕ್ ಬಾಳಿನಾರ್. ತುಳುನಾಡ್‌ಡೇ ತನ್ನ ಕಡೆತ ಉಸುಲುನ್ಲ ಬುಡಿನಾರ್.

ಕುಡ್ಲಡ್ ತುಳುಕೂಟ ಸ್ಥಾಪನೆ ಆಯಿಬೊಕ್ಕ ತುಳು ಚಳವಳಿಗ್ ಕುಡ ಚೈತನ್ಯ ತಿಕ್ಕುಂಡ್. 1939ಡ್ ಕಂತ್‌ದಿ ತುಳುತ್ತ ಸೊರ 1969ಟ್ ಕುಡ ಕೇನರೆ ಸುರುವಾಂಡ್.

ತನಕ್ಲೆ ಹಕ್ಕದ ಕೆಲಸ ಇಂದಾದ್ ತುಳುಕ್ಕುತ್ತ ಏರ್ ಒದ್ದಾಡುವೆರ್ ಅಕಲೆಡ್ಲೆ ವಂಚನೆದಾಂತಿ ಕೆಲಸ ಆವರೆ ಸಾಧ್ಯ ಇಂದಾದ್ ಮಾಮಲ್ಲ ಪತ್ರಕರ್ತರ್ ಆದಿತ್ತಿನ ಸ್ವರ್ಗೀಯ ಮಟ್ಟಾರು ವಿಠಲ ಹೆಗ್ಡೆ (ಎಂ.ವಿ. ಹೆಗ್ಡೆ) ಪನ್ತೆರ್. ಈ ಪಾತೆರದಂಚನೇ ಇತ್ತಾದ್ 62 ವರ್ಷದ ಬಂಗಾರ್ಡ್ ಬದ್‌ಕ್ (1934-96) ಬದಿಕಿನಾರ್ ಎಸ್.ಆರ್. ಹೆಗ್ಡೆ.

ಎಸ್.ಆರ್. ಹೆಗ್ಡೆ 1934ನೇ ಜೂನ್ 2ನೇ ದಿನತಾನಿ ಪುಟ್ಟಿಯೆರ್. 1996ನೇ ಮೇ ತಿಂಗೊಲ್ಲ 16ನೇ ದಿನತಾನಿ ಆರ್ ಕಡೆತ ಉಸುಲು ಬುಡಿಯೆರ್. ವಾ ಸ್ಥಾನಮಾನ, ಪುಗರ್ತ, ಕೀರ್ತಿ ದ ಅಂಗಲ್ಲದಾಂತೆ ಸಾರ್ತಕ ಬದ್‌ಕ್ ಬಾಳಿನ ಹೆಗ್ಡೆ ತುಳುಬಾಸೆ, ಸಂಸ್ಕೃತಿಲೆನ್ ಒರ್ತೊಂದು ಕಾತೊನರೆ 1969ಡ್ 1996 ಮುಟ್ಟ 27 ವರ್ಷ ಕಾಲ ಬೆನ್ತೆರ್. ಅಂಚಾದೇ ಹೆಗ್ಡೆ ಮದಪ್ಪರಾವಂದಿ ಸಾಧನೆ ಮಲ್ತಿ ಪುಣ್ಯಾತ್ಲೆ.

ಪಣಿಯಾಡಿದಾರ್ ಒಡಿಪುಡು ತುಳು ಚಳವಳಿತ್ತ ಮಲ್ಲಣ್ಣೆ ಆದಿತ್ತೆರ್‌ಡ ಎಸ್.ಆರ್. ಹೆಗ್ಡೆ ಕುಡ್ಲಡ್ ಸುರುಮಲ್ತಿ ತುಳು ಚಳವಳಿತ್ತ ಮಲ್ಲಣ್ಣೆ ಇಂದಾದ್ ಪುದರ್‌ಗ್ ಬತ್ತಿನಾರ್.

ಪಳ್ಳಿ ಮಹಾಬಲ ಹೆಗ್ಡೆ - ಸೀತಮ್ಮ ದಂಪತಿಲೆನ ಮಗ

ಕಾಲದ ಕೈತಲ್ಲ ಪಳ್ಳಿ ಮಹಾಬಲ ಹೆಗ್ಡೆ (ಪಿ.ಎಂ. ಹೆಗ್ಡೆ ಚಾರ್ಟರ್ಡ್ ಅಕೌಂಟೆಂಟ್) ಬೊಕ್ಕ ಮಣಿಪಾಲ ಕೈತಲ್ಲ ಪರ್ಕಳದ ನಿರಕರೆ ಶೆಟ್ಟಿಬೆಟ್ಟು ನೇಲಲ್ದ ಸೀತಮ್ಮ ದಂಪತಿಲೆನ ರಡ್ಡನೆ ಮಗ ಮೇರ್. ದಯಾನಂದೆರ್ ಮೆರೆನ ಪಲಯೆ. ಆರ್ ಜವನತಿಗಿಡೇ ತೀರ್ದರ್. ಈ ದಂಪತಿಲೆಗ್ ಬೊಕ್ಕ ಆಜಿ ಪೊಣ್ಣು ಜೋಕುಲು.

ಪಿ.ಎಂ. ಹೆಗ್ಡೆ ಕಳುಕಪಟ ತೆರಿಯಂದಿ ಸಜ್ಜನೆ. ಸುಳ್ಳು ಲೆಕ್ಕಪತ್ರ ಪಸೊಂದು ಬತ್ತಿನಕ್ಲೆನ್ ತನ್ನ ಆಫೀಸ್‌ಡ್ ದೂರ ಗಿಡಾದಿನಾರ್. ಸತ್ಯಾದಿಗಲಾ ದಾಕ್ಷಿಣ್ಯ ದಾಂತಿನ ಕಟ್ಟುನಿಟ್ಲೆದ ನಿಷ್ಪರವಾದಿಲಾ ಆದಿತ್ತಿನ ಪಿ.ಎಂ. ಹೆಗ್ಡೆರೆಗ್ ಶಿಸ್ತು ವೃತ್ತಿ ಜೀವನನೇ ಆದಿತ್ತೆಂಡ್.

ತನ್ನ ಆಮ್ಲೆನ ಮಾತಾ ಗುಣೊಕ್ಕುಲು ಎಸ್.ಆರ್. ಹೆಗ್ಡೆರೆಗ್ ನೆತ್ತೆರ್ದೇ ಬತ್ತಿತ್ತೆಂಡ್. ಕಳುಕಪಟದಾಂತಿನ ಸಜ್ಜನೆ ವಕೀಲೆರ್ ಇಂದಾದೇ ಹೆಗ್ಡೆ ಪುದರ್ ಪಡೆಯಿನಾರ್. ಸೈನೇಟಲಾ ಸತ್ಯಾದಿಗಾದೇ ಹೆಗ್ಡೆ ವಕಾಲತ್ ಮಲ್ತಿನಾರ್. ಕಡೆತ ಉಸುಲು ಬುಡ್ಲೆಗ್

ಹೆಗ್ಡೆರ್ ಜಿಲ್ಲಾ ಸರ್ಕಾರಿ ವಕೀಲರ್ (District Government Pleader) ಆದಿತ್ತೆರ್.

‘ತುಳುಕೂಟ’ ತಿಂಗೊಲ್ಲ ತುಳುಪತ್ರಿಕೆ (1971-77)

ಎಸ್.ಆರ್. ಹೆಗ್ಡೆರ್ ‘ತುಳುಕೂಟ’ ಪುದರ್ ತಿಂಗೊಲ್ಲ ತುಳುಪತ್ರಿಕೆನ್ 1971 ಜನವರಿ ಮಕರ ಸಂಕ್ರಾಂತಿದಾನಿ ಸುರುಮಲ್ತೆರ್. ಒಡಿಪುದ ಪೇಜಾವರ ಮಠಾಧೀಶೆ ರಾಯಿನ ಶ್ರೀ ವಿಶ್ವೇಶ ತೀರ್ಥ ಸ್ವಾಮೀಜಿ ಪತ್ರಿಕೆನ್ ಬುಡುಗಡೆ ಮಲ್ತೆರ್. 1977 ಮುಟ್ಟು ಒಟ್ಟು 7 ವರ್ಸ ಪತ್ರಿಕೆ ನಡತ್ಂಡ್. ಡೆಮ್ಮಿ 1/4 ಪತ್ರಾಕಾರೊಡ್ 24 ಪುಟತ್ತ ಪ್ರತಿ ತಿಂಗೊಲ್ಲ ಅಚ್ಚಾವೊಂದಿತ್ತಿನ ಪತ್ರಿಕೆದ ಬಿಲೆ 50 ಪೈಸೆ ಆದಿತ್ತೆಂಡ್. ರತ್ನಕುಮಾರ್ ಎಂ. ಪತ್ರಿಕೆದ ಸಂಪಾದಕೆರಾದಿತ್ತೆರ್.

‘ತುಳುಕೂಟ’ ಎಗ್ಗಲು

ಶ್ರೀ ಗಣೇಶ ನಾಟಕ ಸಭಾ ಪನ್ಪಿ ತುಳುನಾಟಕ ತಂಡ ಕಟೊಂದು 1958ಡ್ ತುಳುನಾಡ್ ಮಾತ್ರ ಅತ್ತಂದೆ ತುಳುವೆರ್ ಮಸ್ತಜನ ಉಪ್ಪನ ಕಾಸರಗೋಡು, ಮಡಿಕೇರಿ, ಬೆಂಗಳೂರು, ಚಿಕ್ಕಮಗಳೂರು, ಪುಣೆ, ಮುಂಬೈ, ಹೈದರಾಬಾದ್, ಚೆನ್ನೈಲೆಡ್ ತುಳು ನಾಟಕ ಗೊಬ್ಬೊಂದಿತ್ತಿನ ಕೆ.ಎನ್. ಟೈಲರ್ ಹೆಗ್ಡೆರೆಗ್ ತುಳುಕೂಟ ಎಗ್ಗೆ ಸ್ಥಾಪನೆಗ್ ಬೆರಿಸಾಯೊ ಕೊರ್ತೆರ್. ಅಂಚಾದ್ ಮಡಿಕೇರಿ ತುಳುಕೂಟ (1971), ಪುತ್ತೂರು ತುಳುಕೂಟ (1972), ಬೆಂಗಳೂರು ತುಳುಕೂಟ (1972), ಬೊಂಬಾಯಿ ತುಳುಕೂಟ (1973) ಸ್ಥಾಪನೆ ಆಂಡ್. ಈ ಸಂಘಟನೆಲೆ ಮೂಲಕ ತುಳುಕೂಟ ಪತ್ರಿಕೆದ ಪ್ರಸಾರ-ಪ್ರಚಾರ ಮಾತ್ರ ಅತ್ತಂದೆ ತುಳುಭಾಷೆ-ಸಂಸ್ಕೃತಿದ ರಕ್ಷಣೆ-ಪೋಷಣೆ ಕೆಲಸ ಸಲೀಸಾಂಡ್.

ತುಳುನಾಡ್ ಪ್ರೆಸ್ ಸ್ಥಾಪನೆ (1972)

‘ತುಳುಕೂಟ’ ಪತ್ರಿಕೆನ್ ಅಚ್ಚಿ ಮಲ್ತೆರೆ ಬೊಕ್ಕ ತುಳು ಚಳವಳಿತ್ತ ಕಾರ್ಯಕ್ರಮೊಕ್ಲೆಗ್ ಸಕಾಯ ಆವೆರ್ಂಡ್ ಎಸ್.ಆರ್. ಹೆಗ್ಡೆರ್ 1972 ವಿಜಯದಶಮಿದಾನಿ ಕುಡ್ಲದ ಕದ್ರಿಡ್ ‘ತುಳುನಾಡ್ ಪ್ರೆಸ್’ ಪನ್ಪಿ ಮುದ್ರಣಾಲಯ ಸ್ಥಾಪನೆ ಮಲ್ತೆರ್. ಮುದ್ರಣಾಲಯ ತೂವೊನ್ನ ಜವಾಬ್ದಾರಿನ್ ಆರ್ ರತ್ನಕುಮಾರ್ ಎಂ. ಅರೆಗ್ ವಹಿಸಾಯೆರ್. ‘ತುಳುಕೂಟ’ ಪತ್ರಿಕೆ ನೆಟ್ಟೇ ತಯಾರಿ ಆವೊಂದಿತ್ತೆಂಡ್. 1973ಟ್ ರಮೇಶ್ ಕಾರ್ನಾಡ್ ಸುರುಮಲ್ತಿನ ‘ತುಳುವಾಣಿ’ ಪತ್ರಿಕೆಲಾ ಮೂಲೆ ಅಚ್ಚಿ ಆವೊಂದಿತ್ತೆಂಡ್. ಪಣಿಯಾಡಿದಾರನ ಉಸ್ತುವಾರಿಡ್ಲಿ ‘ತುಳುನಾಡ್ ಪ್ರೆಸ್’ ಅರೆನ ತುಳುಚಳವಳಿತ್ತ ಮಾತಾ ಕಾರ್ಯಕ್ರಮೊಕ್ಲೆಗ್ ಎಂಚೆ ಸಕಾಯ ಆವೊಂದಿತ್ತೆಂಡೆ ಅಂಚೆನೇ ಹೆಗ್ಡೆರೆನ ತುಳು ಚಳವಳಿಕ್ ತುಳುನಾಡ್ ಪ್ರೆಸ್‌ಲಾ ನಾನಾ ರೀತಿಡ್ ಸಕಾಯ ಆವೊಂದಿತ್ತೆಂಡ್.

ತುಳುಕೂಟ ಗುರ್ಕಾರೆ ಆದ್ 15 ವರ್ಸ (1969-84)

ಎಸ್.ಆರ್. ಹೆಗ್ಡೆರ್ ತುಳುಕೂಟ ಗುರ್ಕಾರೆ ಆದ್ 15 ವರ್ಸ ಬೆನ್ನೆರ್. ಅರೆನ ಗುರ್ಕಾರ್ಮೆದ ಕಾರ್ಬಾರ್ಡ್ ಒಂಜಿ ದಿನತ್ತ ಮೂಜಿ ತುಳು ಸಮಾವೇಶ (1973, 1974, 1975) ಪ್ಲೊ. ಎಂ. ಮರಿಯಪ್ಪ ಭಟ್, ಪ್ಲೊ. ಕು.ಶಿ. ಹರಿದಾಸ ಭಟ್, ನಾಡೋಜ ಕಯ್ಯಾರ ಕಿರ್ಣಣ್ಣ ರೈ ಮೊಕ್ಲೆನ ಗುರ್ಕಾರ್ಡ್ ನಡತ್ಂಡ್. ತುಳುನಾಟಕ ಪ್ರದರ್ಶನ ಸಪ್ತಾಹ ಮೂಜಿ (1975, 1976, 1977) ಬೊಕ್ಕ ತುಳುಕೂಟ-ನವಭಾರತ ಜತೆಯಾದ್ ತುಳು ಸಿನೇಮ ಪ್ರಶಸ್ತಿ ಪಟ್ಟಿನ ಲೇಸ್ (1974, 1975, 1976) ಮೂಜಿ ನಡತ್ಂಡ್.

ಧರ್ಮಸ್ಥಳ ರತ್ನಧರ್ಮ ಹೆಗ್ಡೆ ತುಳುನಾಟಕ ಕೃತಿ ಪ್ರಶಸ್ತಿ (1976)

ಶ್ರೀಕ್ಷೇತ್ರ ಧರ್ಮಸ್ಥಳದ ಧರ್ಮಾಧಿಕಾರಿ ಶ್ರೀ ಡಿ. ವೀರೇಂದ್ರ ಹೆಗ್ಡೆರ್ ಅರೆನ ಅಪ್ಪಾಜಿ ರತ್ನಧರ್ಮ ಹೆಗ್ಡೆರ್ ಪುದರ್ಡ್ ತುಳುಸಾಹಿತ್ಯ ಸೃಷ್ಟಿಗಾತ್ರ ಎಡ್ಲೆ ತುಳುನಾಟಕ ಕೃತಿಕ್ ತುಳುಕೂಟದ ಮೂಲಕ 1976ಡ್ಲಿಂಚಿ ಪ್ರತಿ ವರ್ಸೊಲಾ (ಪ್ರಥಮ, ದ್ವಿತೀಯ, ತೃತೀಯ) 3 ಪುರಸ್ಕಾರ ಕೊರೊಂದುಲ್ಲೆರ್. ಈ ರೀತಿಡ್ ಡಾ. ಡಿ. ವೀರೇಂದ್ರ ಹೆಗ್ಡೆರ್ ಎಸ್.ಆರ್. ಹೆಗ್ಡೆರ್ ತುಳು ಚಳವಳಿಕ್ ಬೆರಿಬೊಟ್ಟುದು ಉತ್ತೇಜನ ಕೊರ್ತರ್. ರೂ. 5,000, ರೂ. 3,000, ರೂ. 2,000 ನಗದ್ ಇನಾಮು ರತ್ನಧರ್ಮ ಹೆಗ್ಡೆ ಪ್ರಶಸ್ತಿದ 3 ಪುರಸ್ಕಾರ ಪಣವು ಆದ್ ಪ್ರತಿವರ್ಸಲಾ ತುಳುಕೂಟ ಬಿಸು ಪರ್ಬದಾನಿ ಸಂದೊಂದುಂಡು.

ಕೊಪ್ಪ ಕಾಸರಗೋಡು, ಉಡುಪಿ ಸಂಘಟನೆ ಪ್ರಸ್ತಾವ

ತುಳುವೆರೆನ ಸಂಘಟನೆ, ತುಳು ವ್ಯವಹಾರ ಬುಳೆಚಿಲ್, ತುಳುಸಾಹಿತ್ಯ ನಿರ್ಮಾಣ, ತುಳು ಕಲಿಕದ ಅಭ್ಯಾಸ - ಈ ನಾಲ್ ಉದ್ದೇಶ ದೀವೊಂದು ತುಳುಕೂಟ ಸ್ಥಾಪನೆ ಆತ್ಂಡ್. ಹೆಗ್ಡೆರ್ ತುಳುವೆರೆ ಸಂಘಟನೆಗಾದ್ ದಿಂಜ ಮಹತ್ವ ಕೊರೊಂದಿತ್ತೆರ್. ಅಂಚಾದ್ ಕೊಪ್ಪ (ಚಿಕ್ಕ ಮಗಳೂರು ಜಿಲ್ಲೆ), ಕಾಸರಗೋಡು, ಉಡುಪಿಡ್ ತುಳುಕೂಟ ಆರಂಭ ಆವೊಡ್ಲಿ ಉಮೇದ್ ಹೆಗ್ಡೆರೆಗ್ ಇತ್ತಂಡ್. ಐಕಾತ್ರ ಪ್ರಸ್ತಾವಲಾ ಮಲ್ತೆರ್. ಆಂಡ ಅರೆನ ಗುರ್ಕಾರ್ಡೆದ ಕಾಲೊಡು ಅಲ್ಪ ಕೂಡುಕಟ್ಟ್ ಬಲ ಮಲ್ಪುಚಿತ್ತಿ ಸಕಾಯ ತಿಕ್ಕಿಜಿ.

ಆ.ಭಾ. ತುಳು ಸಮ್ಮೇಳನ (1984)

ಎಸ್.ಆರ್. ಹೆಗ್ಡೆರೆನ ಗುರ್ಕಾರ್ಡೆಡ್ 1984 ಫೆ. 11-12ಕ್ ರಡ್ಲಿ ದಿನತ್ತ ಅಖಿಲ ಭಾರತ ತುಳು ಸಮ್ಮೇಳನ ಮಲ್ತಿನ ತುಳುಕೂಟ ಜಿಲ್ಲೆಗ್ ತುಳುನಾಡ್ ಜಿಲ್ಲೆ ತುಳುಕ್ಕು ರಾಷ್ಟ್ರ ಮಾನ್ಯತೆ, ಕುಡ್ಲದ ಆಕಾಶವಾಣಿಡ್ ಹೆಚ್ಚಿಚ್ಚಿ ತುಳು ಕಾರ್ಯಕ್ರಮ ಪ್ರಸಾರ, ಕುಡ್ಲದ ಇಡೆಪುಡೆಟ್ ಲಕ್ಶ್ಯದುಂತುನ ಉದ್ದಿಮೆಲೆಡ್ ತುಳುವೆರೆಗ್ ಹೆಚ್ಚಿ ಉದ್ಯೋಗಾವಕಾಶ ತಿಕ್ಕೊಡುಂದು ಒತ್ತಾಯ ಮಲ್ತೆಂಡ್. ಒಡಿಪುದ ತುಳು ಚಳವಳಿಕ್ ತಾಕತ್ತೆ ಮೀರ್ಲೆ ಬೆನ್ನಿನ

ಮಾಮಲ್ಲ ಪತ್ರಕರ್ತೆ ಎಂ.ವಿ. ಹೆಗ್ಡೆರ್ ಸಮ್ಮೇಳನಾಧ್ಯಕ್ಷೆರ್. ಕರ್ನಾಟಕ ಸರ್ಕಾರ ತುಳುಕು ಅಕಾಡೆಮಿಮಾಂಡಲಾ ಮಲ್ತ್‌ದ್ ತುಳುತ ಬುಳೆಚಿಲ್‌ಗ್ ಪೊಣೆವಡ್‌ಂದ್ ಎಂ.ವಿ. ಹೆಗ್ಡೆರ್ ಈ ಪೊರ್ತುಡು ಪಂಡರ್.

27 ವರ್ಸದ ಪೊಣೆಪಾಟಿ

1989 ಎ. 15-16ತ್ತಾನಿ ರಡ್ಡ್ ದಿನತ್ತ ಅ.ಭಾ. ತುಳು ಸಮ್ಮೇಳನ ತುಳುಕೂಟದ ನಿಲೆಟ್ ಮೂಲ್ಕಿಡ್ ನಡತ್‌ಂಡ್. ಎಸ್.ಆರ್. ಹೆಗ್ಡೆರ್ ನೆತ್ತ ಕಾರ್ಯಾಧ್ಯಕ್ಷೆರ್. ಪ್ರೊ.ಅಮೃತ ಸೋಮೇಶ್ವರ್ ಸಮ್ಮೇಳನ ಅಧ್ಯಕ್ಷೆರ್. ದಿಲ್ಲಿ, ಬರೋಡ, ಮಿರಜ್, ಸಾಂಗ್ಲಿ, ಮುಂಬೈ, ಬೆಂಗಳೂರು, ಹೈದರಾಬಾದ್, ಚೆನ್ನೈ, ಉಡುಪಿ, ಕಾಸರಗೋಡು - ಮುಲ್ಕಿ ಇತ್ತಿನ ತುಳು ಸಂಘ ಸಂಸ್ಥೆದ ಗುರ್ಕಾರೆರ್ ಮುಲ್ಕಿ ಸೇರ್ಡ್ ಅಖಿಲ ಭಾರತ ತುಳು ಒಕ್ಕೂಟ ಸ್ಥಾಪನೆ ಮಲ್ತೆರ್. ಎಸ್.ಆರ್. ಹೆಗ್ಡೆ ಒಕ್ಕೂಟದ ಗುರ್ಕಾರೆ ಆದ್ ಸರ್ವಾನುಮತ ಪ್ರಕಾರ ಆಯ್ಕೆ ಆಯೆರ್. ಇಂಚ ಹೆಗ್ಡೆರ್ ಕುಡ್ಲ ತುಳುಕೂಟದ ಗುರ್ಕಾರೆ ಆದ್, ಅಖಿಲ ಭಾರತ ತುಳು ಒಕ್ಕೂಟದ ಗುರ್ಕಾರೆ ಆದ್ 1969-1996 ಮುಟ್ಟ 27 ವರ್ಸ ತುಳುಭಾಷೆ ಸಂಸ್ಕೃತಿನೆ ಕಾತೊಂದು ಒರಿತೊನ್ನ ಬೇಲೆಲೆಗ್ ಮಾರ್ಗದರ್ಶಕೆ ಆದ್ ಬೆನ್ನೆರ್.

ಎಸ್.ಆರ್. ಹೆಗ್ಡೆರ್ಗೆ ತುಳುಬಾಸೆ-ಪರ್ಮೆ-ಗೆಲೈದನೇ ಗೇನ ರಾತ್ರೆ-ಪಗೆಲ್. ಅರೆನ ಗುರ್ಕಾರ್ಡೆಡ್ ನಡತಿನ ತುಳುತ ಚಳವಳಿ ದೇಶೊದ ಕೊಡಿಕಡೆ ಮಾತ್ರತ್ತಂದೆ ಪರದೇಶೊಲೆಡ್ ಇತ್ತಿನ ತುಳುವರೆಗ್ಲಾ ಬಾಸೆದ ಮಿತ್ತ ಮೋಕೆ ಪುಟ್ಟುದು ಅಪ್ಪೆಬಾಸೆದ ಗೆಲೈ ಪರ್ಮೆಗ್ ಬೆನೊಡು ಪನ್ನಿ ಉಮೇದ್‌ಡಾದ್ ಸಂಘಟನೆಗ್ ದುಂಬಾಯೆರ್. ತುಳು ಸಂಘ, ತುಳುಕೂಟ ಕಟ್ಟಿಯೆರ್. ಇಂಚ ತುಳು ಬಾಸೆಗ್ ಪೊಸ ಚೈತನ್ಯ ಬತ್ತಂಡ್.

ದುಬೈಗ್ ಹೆಗ್ಡೆರ್

1990ಟ್ ಎಸ್.ಆರ್. ಹೆಗ್ಡೆರ್ ಬೊಡೆದಿ ಸುವಾಸಿನಿ ಜತೆಟ್ ಕೊಲ್ಲಿ ದೇಶೊದ ಪ್ರವಾಸ ಕೈಕೊನಿಯೆರ್. ದುಬೈ ಅಬುದಾಬಿಗ್ ಪೋಯಿನಪಗ ಅಲ್ಪ ಇತ್ತಿನ ತುಳುವೆರ್ ಬೆರಿ ಬೊಟ್ಟುದು ಕೂಟ ಕಟ್ಟಿರೆ ಉಮೇದ್ ಕೊರಿಯೆರ್. ತನ್‌ಕ್ಲೆ ಜೋಕ್ಲೆಗ್ಲಾ ತುಳು ಬಾಸೆ-ಸಂಸ್ಕೃತಿಕ ಪೊಲಬು ತಿಕ್ಕೊಡುನ್ಲಿ ಇರಾದೆಡ್ ಸಂಘಟನೆಗ್ ದುಂಬಾಯೆರ್. ಯುಎಇ ತುಳುಕೂಟ ಸ್ಥಾಪನೆ ಮಲ್ತೆರ್. ಇಂಚ ಅಕ್ಲೆಡ ತುಳುಮೋಕೆ ಬಲತ್‌ದ್ ತುಳುಕ್ಕಾತ್ರ ಬೇಲೆ ಮಲ್ಪೊಡುನ್ಲಿ ಆಸೆ ತೆಗ್‌ಲ್‌ಂಡ್.

ಅನ್ಯ ಬಾಸೆದಕ್ಲೆಗ್ ಹೆಗ್ಡೆರ್ ಮಾದರಿ

ತುಳು ಬಾಸೆ-ಸಂಸ್ಕೃತಿಕ ಬುಳೆಚಿಲ್‌ಗ್ ಎಸ್.ಆರ್. ಹೆಗ್ಡೆರ್ ತುಳು ಚಳವಳಿ ಮೂಲಕ ಆನಿ ಪಾಡೊಂದಿ ಕಾರ್ಯಕ್ರಮೊಲು ತುಳು ಅಭಿಮಾನಿಲೆಗ್ ಮಾತ್ರತ್ತಂದೆ ಬೇರೆ

ಬಾಸೆದಕ್ಕೆಗ್ಲಾ ಮೆಚ್ಚಿಗೆ ಆದ್ ಮಾದರಿ ಆಂಡ್. ಆರ್ ಪಾಡೊಂದಿನ ಕಾರ್ಯಕ್ರಮತ ಅಚ್ಚುಕಟ್ಟ್ ಮಲ್ತಿ ಬೇಲೆದ ಒಪ್ಪ ಓರಣ, ಮಾತೆರೆನಾಲಾ ಜಟ್ ಲೆತ್ತೊನ್ನ ರೀತಿ, ಒಟ್ಟಾದ್ ಕೆಲಸ ಮಲ್ಪುನ ಪ್ರೀತಿ, ಉಂದು ಪೂರ ಬಾರೀ ಕೊಂಡಾಟದವಾದಿತ್ತಂಡ್. ಒಸರ್ ನೀರ್ಡ್ ಇಪ್ಪುನ ಪರಿಶುದ್ಧತೆನ್ ಒರಿತೊನೊಡುನ್ ಪೂಣೆಪಾಟ ಅರೆನವು. ಈ ದೃಷ್ಟಿ ಆರ್ ತುಳು ಕಜ್ಜೊಲೆಗ್ ದುಂಬಾಯೆರ್.

ಪರೋಪಕಾರಾರ್ಥ ಮಿದಂ ಶರೀರಂ

ಈ ಪಾತೆರೊನು ಎಡೇನ ಪಿಂದಿನ ಎಸ್.ಆರ್. ಹೆಗ್ಡೆರ್ ವಕೀಲೆರಾದ್ಲಾ, ಸಂಘಟಕರಾದ್ಲಾ, ತುಳುಪ್ರೇಮಿ ಆದ್ಲಾ, ಸರ್ವಜನಾನುರಾಗಿರಾದ್ಲಾ ಬದಿಕಿನ ಮಾಮಲ್ಲ ವ್ಯಕ್ತಿ. ಅರೆಡ ಇತ್ತಿನ ಮನುಷ್ಯತ್ವ, ಕರುಣೆ, ಮದುಗುಣ, ಮದು ಪಾತೆರ ಆರ್ ನಿಜವಾಯಿನ ಸಜ್ಜನೆ ಇಂದ್ ಸಾದ್ ಸಾದ್.

35 ವರ್ಸ ವಕಾಲತ್

1961-1996 ಮುಟ್ಟ ಎಸ್.ಆರ್. ಹೆಗ್ಡೆರ್ ಉಸುಲು ಇಪ್ಪುನೇಟ ವಕಾಲತ್ ಮಲ್ತೆರ್. ವಕೀಲೆರಾದ್ ಎಡ್ಡೆ ಪುದರ್ ಪಡೆವೊಂದರ್ ಸಜ್ಜನೆ ಬೊಕ್ಕ ಧೈರ್ಯದಾರ್. ಕೀರ್ತಿ ಪ್ರಚಾರೊಗು ದುಂಬು ಬರಂದೆ ಪಾಪದಕ್ಕೆಗ್ ನ್ಯಾಯ ತಿಕ್ಕುನಕ್ಕಾದ್ ಛಲೊಟ್ಟು ವ್ಯಾಜ್ಯೊನು ಗೆಂದಾದ್ ಕೊರ್ತರ್.

ತಾಳೆ ದಿಂಜಿದಿ ತುಪ್ಪೆ

ಎಸ್.ಆರ್. ಹೆಗ್ಡೆರ್ ತಾಳೆ ದಿಂಜಿದಿ ತುಪ್ಪೆ ಸಂಯಮ, ಮದು ಪಾತೆರ ಅರೆಡ ಇತ್ತಿ ಆಸ್ತಿ. ತುಳುತ ಕೆಲಸೊಗು ಕೈ ಪಾಡಿಯೆರ್ಡ್ ಎಂಚಿ ಅಡಿ ವಿಡ್ಡೊರೊನಾ ಲೆಕ್ಕಂದೆ, ಏರೆನ್ನಾ ಗೆನಿಪಂದೆ ಪತ್ತಾದಿ ಕೆಲಸೊಗು ಗೆಲ್ಪಾದ್ ಕೋಡಿ ಎತ್ತಾವೆರ್ ಪನ್ನಿನೆಕ್ ದಾಲಾ ಸಂಶಯನೇ ಇಜ್ಜಿ 'ಪರೋಪಕಾರ ಪುಣ್ಯಾಯ, ಪಾಪಾಯ ಪರೆಪೀಡನಂ' ಪನ್ನಿ ಎಡ್ಡೆ ಪಾತೆರದಂಚ ಹೆಗ್ಡೆರ್ ಬದ್ಕದಿತ್ತೆರ್.

ಸಂಘಟನಾ ಚತುರೆ

ಎಸ್.ಆರ್. ಹೆಗ್ಡೆರ್ ಸಂಘಟನಾ ಚತುರೆ. ಅಂಚಿ ತಂತಿ ಇಲಾಖೆದ ದರ್ಜೆ ಮೂಜಿ ಬೊಕ್ಕ ನಾಲ್ ಉದ್ಯೋಗಿಲೆನ ಸಂಘದ ಅಧ್ಯಕ್ಷರಾದ್, ಉಳ್ಳಾಲ ಬಿ.ಇ.ಎಂ. ಶಾಲೆದ ಸಿ.ಸಿ.ಎಫ್. ಅಧ್ಯಕ್ಷರಾದ್, ಜಿಲ್ಲಾ ಟ್ಯಾಕ್ಸಿಮೆನ್ ಸಂಘದ ಅಧ್ಯಕ್ಷರಾದ್, ಜಿಲ್ಲಾ ವರದಕ್ಷಿಣೆ ವಿರೋಧಿ ಸಂಘದ ಅಧ್ಯಕ್ಷರಾದ್, ಕುಡ್ಲ ತುಳುಕೂಟದ ಅಧ್ಯಕ್ಷರಾದ್, ಅಖಿಲ ಭಾರತ ತುಳು ಒಕ್ಕೂಟದ ಅಧ್ಯಕ್ಷರಾದ್, ಕುಡ್ಲ ವಕೀಲೆರೆ ಸಂಘದ ಅಧ್ಯಕ್ಷರಾದ್, ದ.ಕ. ಜಿಲ್ಲೆದ

ವಕೀಲರೆ ಸಂಘದ ಸ್ಥಾಪಕ ಅಧ್ಯಕ್ಷರಾದ, ಮಂಗಳೂರು ವಿಶ್ವವಿದ್ಯಾನಿಲಯ ಸೆನೆಟ್ ಸದಸ್ಯ ಆದ, ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ ಸದಸ್ಯೆ ಆದ, ವೈಸ್‌ಮನ್ಸ್ ಇಂಟರ್ ನ್ಯಾಷನಲ್ ಸರ್ವಿಸ್ ಕ್ಲಬ್ ಪ್ರಾದೇಶಿಕ ನಿರ್ದೇಶಕೆ ಆದ ಹೆಗ್ಡೆರ್ ಬೆನ್ತರ್.

ಸುರೂತ ವಿಶ್ವ ತುಳು ಸಮ್ಮೇಳನ (1994 ಎ. 22, 23, 24)

ಅಖಿಲ ಭಾರತ ತುಳು ಒಕ್ಕೂಟದ ನಿಲೆಟ್ 1994 ಎಪ್ರಿಲ್ 22, 23, 24ತ್ತಾನಿ ಕುಡ್ಲಡ್ ಎಸ್.ಆರ್. ಹೆಗ್ಡೆರೆನ ಮಾರ್ಗದರ್ಶನೊಡು ಮೂಜಿ ದಿನತ್ತ ಸುರೂತ ವಿಶ್ವ ತುಳು ಸಮ್ಮೇಳನ ನಡತ್ಂಡ್. ಒಂಟಿ ಕರೆತ ಕಂಬುಲ, ಧರ್ಮನೇಮ, 7 ಬಾಸೆಲೆನ ಕವಿಕೂಟ, ಕತಾಗೋಷ್ಠಿ ನಾನಾ ವಿಚಾರಗೋಷ್ಠಿ ಸೇರಿತ್ತಿನ ಈ ವಿಶ್ವ ತುಳು ಸಮ್ಮೇಳನ ಎಂಜಿ ಪೂರ್ಲಾಂಡೆಂದ್ ಕವಿ ರತ್ನಾಕರ ವರ್ಣಿ ಸಾರ್ವಜನಿಕ ನೆಗತ್ತಾದ್ ಜಯ್ಯೆ-ಗೆಲ್ಲೆ-ಪೆರೆಲೆಡ್ ಬೆಳಗ್ಂಡ್. ಈ ವಿಶ್ವ ತುಳು ಸಮ್ಮೇಳನದ ಪ್ರತಿಫಲನೇ ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ. ಶ್ರೀಕ್ಷೇತ್ರ ಧರ್ಮಸ್ಥಳದ ಧರ್ಮಾಧಿಕಾರಿ ಡಾ. ಡಿ. ವೀರೇಂದ್ರ ಹೆಗ್ಡೆರ್ ಸಮ್ಮೇಳನ ಅಧ್ಯಕ್ಷರ್. ಸಮ್ಮೇಳನ ಉದಿಪನ ಮಲ್ತಿನ ಅಪಗದ ಮುಖ್ಯಮಂತ್ರಿ ಶ್ರೀ ಎಂ. ವೀರಪ್ಪ ಮೈಯಿಲೆರ್ ತನ್ನ ಉದಿಪನತ್ತ ನುಡಿಕೊರಿನಪಗ ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿತ್ತ ಪ್ರಕಟಣೆ ಮಲ್ತರ್.

27 ವರ್ಸೊದ ತುಳು ಚಾಕಿರಿ

ಪೂರ್ಲದ ಪೂವೊಂಜಿ ಅರಲ್ದ ಕಮ್ಮನ ಪರಡ್ಡೆ ತಿಗ ನಟ್ಟುನ ಕೆಲೆಂಜಿಲೆಗ್ ತಿಗ ತಿನ್ನಾದ್, ಪೊಣ್ಣನ ತರೆತ ಸೂಡಿಡ್ ಅತ್ತಡಾ ದೇವರೆ ಪಾದದಡಿಟ್ ತನ್ನ ಕೆಲವೇ ಗಳಿಗೆದ ಬಾಳ್ವೆನ್ ಸಾರ್ತಕ ಮಲ್ಪುಂಡು ಎಂಚನಾ ಅಂಚಿನೇ ತಾನ್ ಬಾಳಿನ 62 ವರ್ಸೆಲೆಡ್ 27 ವರ್ಸೊನು ತುಳುವಪ್ಪೆನ ಚಾಕಿರಿಗ್ ಒಪ್ಪಾದ್ ಮಾನಾದಿಗೆ ಮಲ್ತಿನ ಪುಣ್ಯಾತ್ಮೆ ಎಸ್.ಆರ್. ಹೆಗ್ಡೆರ್.

ಪೂರಾ ತೆಕ್ಕಾದ್ ಪೋತಿನ ಪಣಿಯಾಡಿ ಶ್ರೀನಿವಾಸ ಉಪಾಧ್ಯೆರ್ ತುಳು ಚಳವಳಿಗ್ 30 ವರ್ಸೊಡ್ಲ ಬೊಕ್ಕ ಜೀವಕಲೆ ಕೊರ್ದು ಕುಡ ಚೈತನ್ಯ ಪುಟ್ಟಯಿನಾರೇ ಹೆಗ್ಡೆರ್. ನನೊರ್ಯಗ್ ಎಡ್ಡೆನೇ ಬಯಕ್‌ದ್ ತಲೆನ-ಕಮ್ಮೆನ ಕೊರಿನ ಎಡ್ಡೆ ಚರ್ಯೊದ ಮಾಮಲ್ಲ ಗುಣ ಅರೆನವು.

15 ವರ್ಸ ಕಾರ್ಯಕ್ರಮೊಕ್ಕು ಒರಿಕ ಇತ್ತಿಜಿ

ಎಸ್.ಆರ್. ಹೆಗ್ಡೆರ್ ತುಳುಕೂಟ ಸ್ಥಾಪನೆ ಮಲ್ತಿ ಬೊಕ್ಕ ಅಯಿತ್ತ ಗುರ್ಕಾರೆ ಆದ 15 ವರ್ಸ ಬೆನ್ನಿನ ಕಾಲೊಡು ತುಳುಕೂಟದ ಕಾರ್ಯಕ್ರಮೊಕ್ಕು ಒರಿಕ ಇತ್ತಿಜಿ. ಪತ್ರಿಕೆ ಮಲ್ತರ್, ಅಚ್ಚಿದಿಲ್ಲ ಮಲ್ತರ್, ತುಳು ವಿಚಾರ ಸಂಕರಣ, ಸಮಾವೇಶ, ಸಮ್ಮೇಳನ ಮಲ್ತರ್,

ಪುತ್ತೂರು, ಮಡಿಕೇರಿ, ಬೆಂಗಳೂರು, ಬೊಂಬಾಯಿಡ್ ತುಳುಕೂಟ ಎಗ್ಗಲೆನ್ ಮಲ್ತೆರ್, ತುಳುನಾಟಕ ಸಪ್ತಾಹ ಮಲ್ತೆರ್, ತುಳು ಸಿನೇಮ ಪ್ರಶಸ್ತಿ ಪಟ್ಟಿಯೆರ್, ಕುಡ್ಲ ಆಕಾಶವಾಣಿಡ್ ತುಳು ಕಾರ್ಯಕ್ರಮ ಹೆಚ್ಚಿಗೆ ಆವೆರೆ ಪ್ರಯತ್ನ ಮಲ್ತೆರ್, ಗಣ್ಯರೆಗ್ ಸನ್ಮಾನ ಮಲ್ತೆರ್, ರತ್ನವರ್ಮ ಹೆಗ್ಗಡೆ ಪ್ರಶಸ್ತಿ ಕೊರಿಯೆರ್, ತುಳು ಸಿನೇಮಾಗು ಟಾಕೀಸ್ ದಪ್ಪಾದ್ ಕೊರಿಯೆರ್, ತುಳು ಪರ್ಮ-ಗೆಲ್ಮೆ-ಮೇಲ್ಮೆಗ್ ಮನವಿ ಮಲ್ತೊಂಡೆರ್, ಬದಿತ್ತ ಎದ್, ಸೊರ ಲಕ್ಕಾಯೆರ್, ಬದಿಡ್ಡಾದ್ ಕಣನೀರ್ದ ಬಾಳ್ವೆಗ್ ಈಡಾತಿ ನಾಲ್ತೆರ್ ಅಪ್ಪೆಲ್ಲೆಗ್ ನ್ಯಾಯ ಕೊರ್ಪಾಯೆರ್. ತುಳು ವಿಶ್ವ ಸಮ್ಮೇಳನ ಮಲ್ಪಾಯೆರ್. ಇಂಚಿತ್ತಿ ಪುಣ್ಯಾತ್ಮ ಹೆಗ್ಡೆರ್.

ತನ್ನ ಕಕ್ಷಿಗಾರೆರೆಗ್ ಅಕ್ಲೆನ ವ್ಯಾಜ್ಯೊಡು ಅನ್ಯಾಯ ಆವಂದಿಲೆಕ ಪೊಣೆತಿನ ಹೆಗ್ಡೆರ್ ಬಜೀ ಬಡವೆರೆಗ್ ಧರ್ಮೊಗು ವ್ಯಾಜ್ಯ ತೀರ್ಮಾನ ಆಪಿನಂಚ ವಕಲತ ಮಲ್ತೆರ್. ರಾಜಿಡ್ ಇತ್ಯರ್ಥ ಆಪುನಂಚಿತ್ತಿ ವ್ಯಾಜ್ಯೊಲೆಗ್ ಅವ್ಯಯ ಬೊಕ್ಕ ಕಾಲಹರಣ ಆವಂದಿನಂಚ ಪ್ರಯತ್ನ ಮಲ್ತೆರ್. ಅರೆನ ಕಕ್ಷಿಗಾರೆರೆಡ್ ದಿಂಜ ಜನ ಪಾಪದಕ್ಕು.

ತುಳುಕೂಟ ಸ್ಥಾಪನೆಗ್ ಪುಗೇಲ್ ಕೊರ್ತಿನಕುಲು

ತುಳುಕೂಟ ಸ್ಥಾಪನೆಗ್ ಎಸ್.ಆರ್. ಹೆಗ್ಡೆರೆಗ್ 1969ತ್ ಪೂರ್ತುಡು ಸಕಾಯ ಮಲ್ತಿ ತುಳು ಅಭಿಮಾನಿಲು : ಬಿ. ಸುಬ್ಬಯ್ಯ ಶೆಟ್ಟಿ ಎಸ್.ಕೆ. ಅಮೀನ್, ರತ್ನಕುಮಾರ್ ಎಂ., ಎ.ಸಿ. ಭಂಡಾರಿ, ಎಂ. ಲೋಕಯ್ಯ ಶೆಟ್ಟಿ ಅಮೃತ ಸೋಮೇಶ್ವರ, ಉಳ್ಳಾಳ ಮಚ್ಚೇಂದ್ರನಾಥ್, ಮಚ್ಚೇಂದ್ರನಾಥ್ ಪಾಂಡೇಶ್ವರ, ಕೆ.ಬಿ. ಭಂಡಾರಿ, ಕೆ.ಎನ್. ಟೈಲರ್, ಬ್ಲೇಸಿಯಸ್ ಡೆ'ಸೋಜ, ರಾಮ ಕಿರೋಡಿಯನ್, ಬಿ.ಎಂ. ಇದಿನಬ್ಬ ಎಲ್ಲೂರು ಉಮೇಶ್ ರಾವ್, ಕಮಲಾಕ್ಷ ಪಿ. ಬಿ. ದೇವಪ್ಪ ಆಳ್ವ, ಕೆ. ಗೋಪಾಲಕೃಷ್ಣ ಸೀತಾರಾಮ ಕುಲಾಲ್, ಕೆ. ವೇದವ್ಯಾಸ ಭಟ್, ಅಮ್ಮಂಬಳ ಬಾಳಪ್ಪ ನರ್ಕಳ ಮಾರಪ್ಪ ಶೆಟ್ಟಿ ಎಂ. ವಿಶ್ವನಾಥ್ - ಇಂಚಿತ್ತಿ ಗಣ್ಯರೆ ಮಾತ ಆರೆನ ತೈನಾತಿಲಾದಿತ್ತೆರ್.

ವಿದ್ಯಾಭ್ಯಾಸ

ಪ್ರಾಯ 6 ವರ್ಸ ಆಯಿನಪಗ ಹೆಗ್ಡೆರ್ 1940ಟ್ ಶಾಲೆಗ್ ಪೋವೆರೆ ಸುರು ಮಲ್ತೆರ್. 1945ಟ್ 5ನೇ ಕ್ಲಾಸ್ ಪಾಸಾದ್ ಹೈಸ್ಕೂಲ್‌ದ I ಫಾರ್ಮ್‌ಗ್ ಸೇರಿಯೆರ್. 1952ಟ್ ಮೆಟ್ರಿಕ್ ಪಾಸಾದ್ ಕುಡ್ಲದ ಸೈಂಟ್ ಅಲೋಸಿಯಸ್ ಕಾಲೇಜ್ ಸೇರ್ಪ್ ಆಯಿಡ್ ಬೊಕ್ಕ ಪಾಠೇತರ ಚಟುವಟಿಕೆಲೆಗ್ ಹೆಚ್ಚಿಗೆ ಗಮನ ಕೊರಿಯೆರ್. ಎಡ್ಲೆ ಭಾಷಣಗಾರ ಆದಿತ್ತಿನ ಹೆಗ್ಡೆರ್ 1955ಟ್ ಸೈಂಟ್ ಅಲೋಸಿಯಸ್ ಕಾಲೇಜ್ ವಿದ್ಯಾರ್ಥಿ ಯೂನಿಯನ್ ಅಧ್ಯಕ್ಷ ಆದ್ ಅಯ್ಕೆ ಆಯೆರ್.

ಉಡುಪಿಡ್ ಎಲ್‌ಎಲ್‌ಬಿ ವಿದ್ಯಾಭ್ಯಾಸ

1950ಟ್ ಹೆಗ್ಡೆರ್ ಮದ್ರಾಸ್ ವಿಶ್ವವಿದ್ಯಾಲಯದ ಬಿ.ಎ. ಡಿಗ್ರಿ ಪಾಸಾಯೆರ್. ಕಾಸರಗೋಡು ಸಮೇತ ಅವಿಭಜಿತ ದಕ್ಷಿಣ ಕನ್ನಡ ಜಿಲ್ಲೆ ಆನಿ ಮದ್ರಾಸ್ ಪ್ರಾಂತ್ಯಡ್ ಸೇರ್ದಿತ್ತಂಡ್. 1956 ನವೆಂಬರ್ 1ನೇ ತಾರೀಕ್‌ಗ್ ಕನ್ನಡ ರಾಜ್ಯೋದಯ ಆಂಡ್. ಉಡುಪಿಡ ವೈಕುಂಠ ಬಾಳಿಗಾ ಕಾನೂನು ಕಾಲೇಜಿಗ್ ಸೇರಿನ ಹೆಗ್ಡೆರ್ 1959ಟ್ ಎಲ್.ಎಲ್.ಬಿ. ಪಾಸಾಯೆರ್.

ಕುಡ್ಲಡ್ ಆನಿ ಬಿಗಿನ ವಕೀಲರಾದ್ತಿನ ಮಂಜಯ ಹೆಗ್ಡೆರೆಡ ಎಸ್.ಆರ್. ಹೆಗ್ಡೆರ್ ವಕಲತ್ ಅಭ್ಯಾಸ ಸುರುಮಲ್ತೆರ್. 1961ಟ್ ಕುಡ್ಲದ ಕಂಕನಾಡಿಡ್ ಕಚೇರಿ ಪ್ರಾರಂಭ ಮಲ್ತಿನ ಹೆಗ್ಡೆರ್ ವಕಲತ್ ವೃತ್ತಿನ್ ಕೈಕೊಂಡೆರ್. ತನ್ನ ಪ್ರಾಣ ಪೋಷಿನೆಟಲಾ (1996) ಅವೇ ಕಚೇರಿಡ್ ವಕಲತ್ ಮಾರ್ಗದರ್ಶನ ಮಲ್ತೆದ್. 35 ವರ್ಸ ವಕಲತ್ ಮಲ್ತಿನ ಹೆಗ್ಡೆರೆಡ ಜೂನಿಯರ್ ವಕೀಲರಾದ್ ಪತ್ತ ಜನ ತನಕೆ ವೃತ್ತಿ ಜೀವನೊಗು ಹೆಗ್ಡೆರೆಡ ಮಾರ್ಗದರ್ಶನ ಪಡೆಪೊಂದೆರ್. ಐಟ್ ಮೂವೆರ್ ಇನಿ ಮುನ್ನಿಪರಾದುಲ್ಲೆರ್.

1966ಟ್ ಮದಿಮೆ

ಎಸ್.ಆರ್. ಹೆಗ್ಡೆರ್ 1966ಟ್ ತನ್ನ 32ನೇ ವರ್ಸ ಪ್ರಾಯೊಡು ಸುವಾಸಿನಿ ಅರೆನ್ ಮದ್ದೆ ಆಯೆರ್. ಹೆಬ್ಬಿ ಬೀಡು ಮಂದರ ಬಲ್ಲಾಳ್ ಬೊಕ್ಕ ಬ್ರಹ್ಮಾವರ ತೆನ್ನಾಯಿ ಇಲ್ಲದ ಲಕ್ಷ್ಮೀಯಮ್ಮ ದಂಪತಿಲೆನ ಮಗಲ್ ಸುವಾಸಿನಿ.

ಮಂದಾರ ಬಲ್ಲಾಳ್ - ಲಕ್ಷ್ಮೀಯಮ್ಮಗ್ ರಡ್ಡ್ ಜೋಕ್ಕು ಒಂಜಿ ಪೊಣ್ಣು (ಸುವಾಸಿನಿ) ಬೊಕ್ಕ ಒಂಜಿ ಆಣ್ (ಸುಧಾಕರ್) ಸುಧಾಕರ್ ಸುವಾಸಿನಿ ಅರೆನ ಪಲಯೆ.

ಎಸ್.ಆರ್. ಹೆಗ್ಡೆ - ಸುವಾಸಿನಿ ದಂಪತಿಲ್ಲೊ ರಡ್ಡ್ ಆಣ್ ಜೋಕ್ಕು ಮಾತ್ರ ಮಲ್ಲಯೆ ರಾಜೇಶ್ ಆರ್. ಹೆಗ್ಡೆ ಎಲ್ಯಾಯೆ ಮಗ ರಾಕೇಶ್ ಆರ್. ಹೆಗ್ಡೆ ಇರ್ವೆರ್‌ಲಾ ವಾಣಿಜ್ಯೋದ್ಯಮಿಲು.

1994 (ಜೂನ್ 2ಕ್ಕ್) ಹೆಗ್ಡೆರೆನ ಷಷ್ಠಬ್ಬ

1994ನೇ ಜೂನ್ 2ಕ್ಕ್ ಎಸ್.ಆರ್. ಹೆಗ್ಡೆರ್‌ಗ್ 60 ವರ್ಸ ಭರ್ತಿ. ಸತ್ಯನಾರಾಯಣ ಪೂಜೆ, ಸಾರ್ವಜನಿಕ ಸಂತರ್ಪಣೆಡ ಮೂಲಕ ಈ ಗಳಿಗದ ಸಂತೋಸುನು ಮಾತೆರೆನ್ ಸೇರಾದ್ ಪಟೊಂಡೆರ್. 60 ಸಂವತ್ಸರದ ಸಾರ್ತಕ ಬರ್ವಕ್‌ದ ಕುಸಿನ್ ಆರ್ ಸಭೆ ಸೇರಾದ್ ಪೊರ್ಲುಡು ಪಟೊಂಡೆರ್.

ಬದಿತ್ತ ಮಾಮಲ್ಲ ವಿರೋಧಿ

ಎಸ್.ಆರ್. ಹೆಗ್ಡೆರ್ ಬದಿತ್ತ ಮಾಮಲ್ಲ ವಿರೋಧಿ. ಬದಿ ದೆತೊನಂದ್ ಆರ್

ಸುವಾಸಿನಿಯಕ್ಕನ್ ಮದ್ದೆ ಆತರ್. ತುಳುವೆರ್ ಮಾಮಲ್ಲ ಚಲ್ ಬುದ್ದಿ ಪಂಡ ಬದಿ ಇಂದ್ ಅರೆನ ಅಭಿಪ್ರಾಯ. ತನ್ನ ಬೊಡೆದಿ ಇಂದ್ ಪೊಣ್ಣನ್ ಇಲ್ಲದ ಬೊಕ್ಕ ತನ್ನ ಬದ್ಕದ ಲಕ್ಷ್ಮೀ ಆದ್ ಎದ್ದೊನ್ನೆಗೆ ಪಣವುಗಾತ್ರ ಜೊಲ್ಲೆ ಆರಿಪವುನ ಆಣ್ ಚಲ್ ಬುದ್ದಿದಾಯೆಂದೇ ಅರೆನ ಗ್ರಹಿಕೆ.

ಪ್ರಾಕ್ಟ್ ಪೊಣ್ಣ ಸಂತೆಸಿ ಕಡಿಮೆ ಇತ್ತಂಡ್. ಆತ್ತಂದೆ ತಮ್ಮಲೆ-ಆರ್ದತೆ ಪನ್ನಿ ಕಟ್ಕಟ್ಟಲೆ ಪೊಣ್ಣನ್ ಎತ್ತರದ ಗೌರವ ಕೊರೊಂದಿತ್ತಂಡ್. ಅಲೆನ್ ದಾರೆ ಮೈತ್ ಆದ್ ಕೊರ್ನಗ ಪೊಣ್ಣನ ಅಪ್ಪೆಮ್ಮ ಕುಸಿವಾಸಿಡ್ ಅಲೆಗ್ ಸಂದೊಡಾಯಿನ ಪಾಲ್ ಇಂದ್ ಪಣವು ಪದ್ದೆಯಿ ಕೊರೊಂದಿತ್ತರ್. ಅವ್ವೇ ಇನಿ ಬದಿ ಇನ್ನಿ ಪುದರ್ ಪೊಣ್ಣನ ಕಂಟೆಲ್ ಉರ್ಲಾತ್ಂಡ್.

1978ಟ್ ಎಸ್.ಆರ್. ಹೆಗ್ಡೆರ್ ಬದಿತ್ತೆದರ್ ಚೆವಳಿ ಸುರುಮಲ್ತರ್. ಮಾತಾ ಜಾತಿ, ಪಂಗಡ, ಮತ್ತತ್ತ ಗುರ್ಕಾರ್ನೆನ ಸಭೆ ಲೆತ್ತರ್. ಬದಿ ಉಂತಾವುನೆಂಚ ಇನ್ನಿನತ್ತ ಬಗ್ಗೆ ಆರ್ ಅಕ್ಲೆಡ ವಿಚಾರ ವಿಮರ್ಶೆ ಮಲ್ತ್ ಆಕ್ಲೆ ಅಭಿಪ್ರಾಯ ದೆತೊಂಡರ್. ಜಿಲ್ಲಾ ಮಟ್ಟದ ಬದಿ ವಿರೋಧಿ ಸಂಘ ಸ್ಥಾಪನೆ ಮಲ್ತರ್. ಜ್ಞಾನಪೀಠ ಪ್ರಶಸ್ತಿ ವಿಜೇತರಾಯಿನ ಡಾ. ಕೆ. ಶಿವರಾಮ ಕಾರಂತರ್ ಈ ಸಂಘದ ಉದಿಪನ ಮಲ್ತರ್. ಬದಿಡ್ಡಾದ್ ಅನ್ಯಾಯ ಆತಿನ ನಾಲ್ವೆರ್ ಅಪ್ಪೆಲ್ಲೆಗೆ ಹೆಗ್ಡೆರ್ ಕೋರ್ಟ್ ಪೊಂಬುರ್ಡು ನ್ಯಾಯ ಕೊರ್ಪಾಯರ್.

ಕುಡ್ಲದ ಆಕಾಶವಾಣಿಡ್ ಹೆಚ್ಚ ತುಳು ಕಾರ್ಯಕ್ರಮಕ್ಕೆ ಒತ್ತಾಯ

1978ಟ್ ಕುಡ್ಲಡ್ ಆಕಾಶವಾಣಿ ಕೇಂದ್ರ ಆಂಡ್. ಆನಿ ಕೇಂದ್ರೊಡು ಜನತಾ ಪಕ್ಷದ ಸರ್ಕಾರ ಇತ್ತಂಡ್. ಮೊರಾರ್ಜಿ ದೇಸಾಯಿ ಪ್ರಧಾನ ಮಂತ್ರಿ. ಲಾಲ್ ಕೃಷ್ಣ ಆಡ್ವಾಣಿ ವಾರ್ತಾ ಬೊಕ್ಕ ಪ್ರಸಾರ ಮಂತ್ರಿಲು. ಕುಡ್ಲದ ಆಕಾಶವಾಣಿ ಕೇಂದ್ರ ಉದ್ಘಾಟನೆಗ್ ಆರ್ ಬತ್ತಿತ್ತರ್. ಎಸ್.ಆರ್. ಹೆಗ್ಡೆರ್. ಆಡ್ವಾಣಿ ಯೆರೆನ್ ಭೇಟಿ ಆದ್ ಹೆಚ್ಚ ತುಳು ಕಾರ್ಯಕ್ರಮ. ಆತ್ತಂದೆ ತುಳುಟು ಪ್ರಾದೇಶಿಕ ವಾರ್ತೆ ಪ್ರಸಾರ ಆವೊಡುಂದು ಬಿನ್ನೆಯೊ ಮಲ್ತೊಂದು ಮನವಿ ಕೊರಿಯರ್.

1983ಟ್ ಬೆಂಗಳೂರುಡು ಅ.ಭಾ. ತುಳು ಸಮ್ಮೇಳನ

ಬೆಂಗಳೂರು ತುಳುಕೂಟದ ನಿಲೆಟ್ 1983ಟ್ ರಡ್ಡ್ ದಿನತೆ ಅಖಿಲ ಭಾರತ ತುಳು ಸಮ್ಮೇಳನ ನಡತ್ಂಡ್. ಕನ್ನಡದ ಮಲ್ಲ ಸಾಹಿತಿ ಬೊಕ್ಕ ತುಳುವೆ ವಿಶುಕುಮಾರ್ ಅದಗ ಬೆಂಗಳೂರು ತುಳುಕೂಟದ ಗುರ್ಕಾರಿ. ಅರೆನ ಉಮೇದ್ ಬೊಕ್ಕ ಮಾರ್ಗದರ್ಶನೊಡು ಸಮ್ಮೇಳನ ಪೊರ್ಲೂಡ್ ನಡತ್ಂಡ್. ಪ್ರೊ. ಕು.ಶಿ. ಹರಿದಾಸ ಭಟ್ ಈ ಸಮ್ಮೇಳನೊದ ಗುರ್ಕಾರಿ ಆದಿತ್ತರ್.

1984ಟ್ ಕುಡ್ಲಡ್ ಪತ್ರಕರ್ತೆ ಎಂ.ವಿ. ಹೆಗ್ಡೆನ ಗುರ್ಕಾರ್ಡೆ ಅ.ಭಾ. ತುಳು

ಸಮ್ಮೇಳನೋ ನಡವಾಯಿನ ಎಸ್.ಆರ್. ಹೆಗ್ಡೆರ್ ಸ್ವಯಂ ಪ್ರೇರಣೆಡ್ ತುಳುಕೂಟದ ಗುರ್ಕಾರ್ಡ್ ಬುಡ್ಡು ಕೊರಿಯೆರ್. ಒಟ್ಟು 15 ವರ್ಸ (1969-1984) ಆರ್ ಗುರ್ಕಾರ್ ಆದಿತ್ತೆರ್.

‘ಬಿಸು ಪರ್ಬ’ ಆಚರಣೆ ಸುರುವಾಂಡ್

ಎಸ್.ಆರ್. ಹೆಗ್ಡೆರ್ ಬುಡ್ಡು ಕೊರಿ ಬೊಕ್ಕ ಕುಡ್ಲ ತುಳುಕೂಟ ಗುರ್ಕಾರೆ ಆದ್ ಎ.ಸಿ. ಭಂಡಾರಿ ರಡ್ಡ್ ವರ್ಸ (1984-86), ಅಡ್ಯಾರ್ ಮಹಾಬಲ ಶೆಟ್ಟಿ ಮೂಜಿ ವರ್ಸ (1986-89), ಎಸ್.ಕೆ. ಅಮೀನ್ ಮೂಜಿ ವರ್ಸ (1989-92), ದಾಮೋದರ ಸುವರ್ಣೆರ್ ಒಂಜಿ ವರ್ಸ (1992-93), ಕೆ.ಎಂ. ಆಳ್ವ ಒಂಜಿ ವರ್ಸ (1993-(94) ಬಾರೀ ಪೂರ್ವುಡು ತುಳು ಕಾರ್ಯಕ್ರಮ ಪಾಡೊಂದು ತುಳುತ್ವ ಬೇಲೆಲೆನ್ ಎಡ್ಡಿ ರೀತಿಡ್ ಮಲ್ತೆರ್. 1994ಡ್ಲಿಂಚಿ ಇತ್ತೆಲಾ ದಾಮೋದರ ನಿಸರ್ಗ ಮೇರ್ ತುಳುಕೂಟದ ಗುರ್ಕಾರೆ ಆದ್ ತುಳು ಚಳವಳಕ್ ಪೊಸ ಒರು ಬೊಕ್ಕ ಪೊಸ ರೂಪ ಕೊರೊಂದುಲ್ಲೆರ್.

1987ಟ್ ತುಳುಕೂಟ ಬಿಸು ಪರ್ಬ ಆಚರಣೆ ಸುರು ಮಲ್ತಂಡ್. ಈ ಬಗ್ಗೆ ದಾಮೋದರ ಸುವರ್ಣೆರ್ ದಿಂಜ ಉಮೇದ್ ತೋಜಿಪಾಯೆರ್. ಎಸ್.ಆರ್. ಹೆಗ್ಡೆರೆನ ಮಾರ್ಗದರ್ಶನ ಬಿಸುಪರ್ಬ್ ಮಲ್ಲ ಶಕ್ತಿ ಆದ್ ಒದಗಂಡ್. ಬಿಸು ಪರ್ಬನ್ ನನಲಾತ್ ಗೆಲ್ವಾಯಿನಾರ್ ದಾಮೋದರ ನಿಸರ್ಗರ್. ಅರೆನ ಗುರ್ಕಾರ್ಡ್ ತುಳುಕೂಟದ ಬಿಸು ಪಬೊರ್ಗು ಪೊಸ ರೂಪ ತಿಕ್ಕಂಡ್. 1997 ದೇಸೊದ ಸ್ವಾತಂತ್ರ್ಯೋತ್ಸವದ ಬಂಗಾರ್ಡ್ ಪರ್ಬ. ನೆಡ್ಡ್ ಬೊಕ್ಕ ತುಳು ಅಪ್ಪೆ ಬಾಸೆದ ಎಸ್.ಎಸ್.ಎಲ್.ಸಿ. ಬೊಕ್ಕ ಪಿಯುಸಿಡ್ ಜಾಸ್ತಿ ಮಾರ್ಕ್ ಪಡೆತಿನ ರಡ್ಡ್ ಪ್ರತಿಭೆಲೆಗ್ ನಗದ್ ಪುರಸ್ಕಾರ ಕೊರ್ದು ಮಾನಾದಿಗ್ ಮಲ್ತೊಂದುಂಡು ಕುಡ್ಲ ತುಳುಕೂಟ.

ಅಖಿಲ ಭಾರತ ತುಳು ಒಕ್ಕೂಟ ಸ್ಥಾಪನೆ (1989)

1989ತ್ತ ಮೂಲ್ಕಿದ ತುಳು ಸಮ್ಮೇಳನಡ್ ಅಖಿಲ ಭಾರತ ತುಳು ಒಕ್ಕೂಟ ಪುಟ್ಟುಂಡು. ಒಕ್ಕೂಟದ ಸ್ಥಾಪಕ ಗುರ್ಕಾರ್ಡ್ ಆದ್ ಎಸ್.ಆರ್. ಹೆಗ್ಡೆರ್ ಸರ್ವಾನುಮತಿ ದೆತೊಂದು ನೇಮಕ ಆಯೆರ್. 1996ಟ್ ಹೆಗ್ಡೆರ್ ತೀರ್ ಪೋಪುನಟ್ಟಾ ತುಳು ಒಕ್ಕೂಟದ ಗುರ್ಕಾರೆ ಆದಿತ್ತೆರ್. ಮುಂಬೈ, ಮೀರಜ್-ಸಾಂಗ್ಲಿ, ನಾಸಿಕ್, ಬರೋಡ, ದಿಲ್ಲಿ, ಬೆಂಗಳೂರು, ಹೈದರಾಬಾದ್, ಚೆನ್ನೈ, ಕುಡ್ಲ, ಒಡಿಪು, ಪುತ್ತೂರು, ಕಾಸರಗೋಡುಲೆಡ್ ಇಪ್ಪನ ತುಳು ಸಂಘಟನೆಲೆನ ಒಕ್ಕೂಟ ಉಂದು.

ಎಸ್.ಆರ್. ಹೆಗ್ಡೆರೆನ ಮರಣ (16 ಮೇ 1996)

1996ತ್ತ ಮೇ 16ನೇ ದಿನತ್ತಾನಿ ಎಸ್.ಆರ್. ಹೆಗ್ಡೆರ್ ಕಾಯಬುಡ್ಡು ಕೈಲಾಸ ಸೇರಿಯೆರ್. ಇಂಚಿತ್ತಿ ಪುಣ್ಯಾತ್ಮನ ಸ್ವರ್ಗಸ್ಥ ಆತ್ಮೊಗು ಶಾಂತಿ ಬೊಕ್ಕ ಅರೆನ ಕುಟುಂಬದಕ್ಲೆಗ್

ದುಖ ತಾಂಗೊನ್ನ ಶಕ್ತೆನ್ ಕೊರಡ್ಂದ್ ಭಗವಂತಡ ಗಣೈರ್, ಮಾನ್ನೈರ್, ಸಂಘ ಸಂಸ್ಥೆಲು ಪ್ರಾರ್ಥನೆ ಮಲ್ತೆರ್.

ಗಣೈರೆಡ್ಡ್ ಸಂತಾಪ

ಶ್ರೀ ಕ್ಷೇತ್ರ ಧರ್ಮಸ್ಥಳದ ಖಾವಂದೆರ್ ರಾಜರ್ಷಿ ಡಾ. ಡಿ. ವೀರೇಂದ್ರ ಹೆಗ್ಗಡೆ, ಮುಡಾದ ಮಾಜಿ ಅಧ್ಯಕ್ಷೆರ್ ಕೆ. ಸುರೇಶ್ ಬಲ್ಲಾಳ್, ಮಾಜಿ ಮಂತ್ರಿ ಬ್ಲೇಸಿಯಸ್ ಡಿಸೋಜ, ಮಾಜಿ ಶಾಸಕೆರ್ ಬಿ.ಎಂ. ಇದಿನಬ್ಬ, ಅದಗ ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ ಅಧ್ಯಕ್ಷೆರಾಯಿನ ಪ್ರೊ. ಬಿ.ಎ. ವಿವೇಕ ರೈ, ರಿಜಿಸ್ಟ್ರಾರ್ ಡಾ. ಪಾಲ್ತಾಡಿ ರಾಮಕೃಷ್ಣ ಆಚಾರ್, ಪ್ರೊ. ಅಮೃತ ಸೋಮೇಶ್ವರ, ಡಾ. ಯು.ಪಿ. ಉಪಾಧ್ಯಾಯ, ಡಾ. ಭಾಸ್ಕರಾನಂದ ಕುಮಾರ್, ಡಾ. ಅಮೃತಮಲ್ಲ, ಡಾ. ಸಿ.ಎ.ಎಸ್. ಗೋಜರ್, ಡಾ. ಬಾಲಕೃಷ್ಣ ಮುದ್ದು, ಅಡ್ಯಾರ್ ಮಹಾಬಲ ಶೆಟ್ಟಿ ಎ.ಸಿ. ಭಂಡಾರಿ, ಕುಡ್ಲ ತುಳುಕೂಟ ಗುರ್ಕಾರ ದಾವೋದರ ನಿಸರ್ಗ, ಕೆ.ಎಂ. ಆಳ್ವ, ಕೆ. ಲೀಲಾವತಿ, ಪ್ರಮೋದ ಕೆ. ಸುವರ್ಣ, ಬೆಂಗಳೂರು ತುಳುಕೂಟ ಗುರ್ಕಾರ ಎಂ. ಆನಂದ ಶೆಟ್ಟಿ ಬರೋಡ ತುಳು ಸಂಘದ ಎಸ್. ಜಯರಾಮ ಶೆಟ್ಟಿ ಮಿರಜ್-ಸಾಂಗ್ಲಿ ತುಳುನಾಡ್ ಸಂಘದ ದಿವಾಕರ ಎಸ್. ಶೆಟ್ಟಿ ಶ್ರೀನಿವಾಸ ಮಂಕುಡೆ, ಜೆ. ಶ್ರೀನಿವಾಸ ಭಟ್, ಪ್ರೊ. ಸುನೀತಾ ಎಂ. ಶೆಟ್ಟಿ ದುಬೈ ಯುಎಇ ತುಳುಕೂಟದ ಉಮೇಶ್ ನಂತೂರ್, ಸಿದ್ಧಕಟ್ಟೆ ಚಂದ್ರಶೇಖರ ಶೆಟ್ಟಿ ಕುದ್ರಾಡಿ ವಿಶ್ವನಾಥ ರೈ, ಜಿಲ್ಲಾ ವಕೀಲರ ಸಂಘ, ಮಂಗಳೂರು ಬಾರ್ ಅಸೋಸಿಯೇಶನ್ ಜಿಲ್ಲಾ ಬಂಟರ ಸಂಘ, ಉಳ್ಳಾಲ ಬಿ.ಎಂ. ಶಾಲೆ, ಜಿಲ್ಲಾ ಬದಿ ವಿರೋಧಿ ಸಂಘ, ಜಿಲ್ಲಾ ಟ್ಯಾಕ್ಸಿಮೆನ್ ಶ್ರದ್ಧಾಂಜಲಿ ಅರ್ಪಣೆ ಮಲ್ತೆರ್.

ಅದಗದ 5 ತುಳು ಪತ್ರಿಕೆಲೆಡ್ಡ್ ಸಂಪಾದಕೀಯ ನಮನ

1. ತುಳುರಾಜ್ಯ (ಸಂಪಾದಕೆರ್ : ಬಿ. ಮಂಜುನಾಥ)

ವಿಶ್ವ ತುಳು ಸಮ್ಮೇಳನದ ರೂವಾರಿ ಎಸ್.ಆರ್. ಹೆಗ್ಡೆರ್ ಮಲ್ಲ ಮನಸ್ಸೆದಾರ್. ತುಳುಬಾಸೆ, ಸಂಸ್ಕೃತಿದ ಬುಳೆಚಿಲ್‌ಗೊಗೊಸ್ಕರ ತುಳುಕೂಟ ಕಟ್ಪೆದ್ ತನು, ಮನ, ಧನ ಅರ್ಪಣೆ ಮಲ್ತೆದ್ ಪೊಣೆತ್ತಿನಾರ್. ವಕೀಲೆರಾದ್ ಬಡವೆರೆಗ್ ನ್ಯಾಯ ಕೊರ್ಪಾದ್ ಆಕ್ರೆ ಕುಟುಂಬದ ಕಣನೀರ್ ಒರೆಸಿನಾರ್. ಅರೆನ ದಿವ್ಯಾತ್ಮೆಗ್ ಶಾಂತಿ ಸದ್ಗತಿ ತಿಕ್ಕೆಡ್ಂದ್ 'ತುಳುರಾಜ್ಯ' ದೇವರೆಡ ಪ್ರಾರ್ಥನೆ ಮಲ್ತುಂಡು.

2. ಪೊಸಕುರಲ್ (ಸಂಪಾದಕೆರ್ : ವೇದವ್ಯಾಸ ಭಟ್, ಕೋಟಿಕಾರ್)

ಒಡಿಪುದ ತುಳು ಚಳವಳಿಡ್ ಬೊಕ್ಕ 30 ವರ್ಸ ಪಡಿಲ್ ಬೂರ್ದಿನ ತುಳು ಚಳವಳಿಗ್ ಕುಡ ಜೀವ ಕೊರಿನಾರ್ ವಕೀಲೆರಾಯಿನ ಎಸ್.ಆರ್. ಹೆಗ್ಡೆರ್. ತುಳುಬಾಸೆ,

ಸಂಸ್ಕೃತಿದ ಏಳಿಗಗಾದ್ 27 ವರ್ಸೊಡು ಆರ್ ಮಲ್ಡಿ ಪ್ರಯತ್ನ ಗೆನಿಪಂದೆ ಪೋಪಿನಪು ಆತ್ಮ ದೇಶ ಪರದೇಶೊಲೆಡ್ ಇತ್ತಿನ ತುಳುವೆರೆಗ್ ತುಳುಬಾಸೆ ಸಂಸ್ಕೃತಿನ ಕಾತೊನೆರೆ ಹೆಗ್ಡೆರ್ ಸ್ಕೂರ್ತಿ ಆದಿತ್ತೆರ್. ಬೇತೆ ಬಾಸೆದಕ್ಲೆನ ಗುಮಾನೊಗ್ಲಾ ತುಳುನು ತೋಜಾದ್ ಕೊರ್ತಿನಾರ್. ತುಳುಕು ಗೌರವದ ಸ್ಥಾನಮಾನ ತಿಕ್ಕುನಂಚ ಪೊಣೆತಿನಾರ್. ತುಳುಕ್ಕಾದ್ ತನನ್ ಅರ್ಪಣೆ ಮಲ್ತಾದ್ ಬೆನ್ನಿನಾರ್. ಇಂಚಿತ್ತಿ ಪುಣ್ಯಾತ್ಮನ ದಿವ್ಯಾತ್ಮೊಗು ಶಾಂತಿ ತಿಕ್ಕಡೆಂದ್ 'ಪೊಸಕುರಲ್' ಪ್ರಾರ್ಥನೆ ಮಲ್ಪುಂಡು.

3. ತುಳುಬೊಳ್ಳಿ (ಸಂಪಾದಕೆರ್ : ಪಿ.ಎಸ್. ರಾವ್)

ಕುಡ್ಲ ತುಳುಕೊಟದ ಸ್ಥಾಪಕೆ ಎಸ್.ಆರ್. ಹೆಗ್ಡೆರ್ ಮಾಮಲ್ಲ ಚೇತನ ಆದಿತ್ತಾದ್ 27 ವರ್ಸೊಡು ತುಳುನು ರಾಜ ಮರ್ಯಾದಿದ ಗದ್ದುಗೆಗ್ ಏರಾಯಿನಾರ್. ತುಳು ಭಾಷೆದ ಬುಳೆಚಿಲ್‌ಗಾದ್ ಬಿರುಗಾಳಿದಂಚ ದುಂಬರಿದ್ ಪೊಣೆತಿನ ಹೆಗ್ಡೆರ್ ಕಡಲ್ಪಾಯೆರೆಡ್ ಇತ್ತಿನ ತುಳುವೆರೆಗ್ಲಾ ತುಳುಕ್ಕಾತ್ರೆ ಬೆನೆರೆ ಸ್ಕೂರ್ತಿ ಆದಿತ್ತೆರ್. ತನ್ನ ರಚನಾತ್ಮಕ ಕಜೊಲೆಡ್ಲಾದ್ ತುಳುತ್ರೆ ಪೂರ್ಲ್ ತಿರ್ಲ್ ನೆಗತ್ರೆ ತೋಜುನಂಚ ಮಲ್ಪಿನಾರ್. ಅರೆನ ಆತ್ಮೊಗು ಶಾಂತಿ ತಿಕ್ಕಡೆಂದ್ 'ತುಳುಬೊಳ್ಳಿ' ಪ್ರಾರ್ಥನೆ ಮಲ್ಪುಂಡು.

4. ತುಳುವೆರೆ ತುಡರ್ (ಸಂಪಾದಕೆರ್ : ಎಂ. ವಿಠಲ, ಪುತ್ತೂರು)

ಸುರೂತ ವಿಶ್ವ ತುಳು ಸಮ್ಮೇಳನದ ಸಂಘಟಕೆರಾದ್ ದೇಸೊದ ಕೊಡಿಣೆಡೆ ಇತ್ತಿನ ತುಳುವೆರೆಗ್ ತುಳುಭಾಷೆದ ಮಿಶ್ರ ಮೋಕೆ ಪುಟ್ಟುನಂಚ ಮಲ್ಪಿನ ಎಸ್.ಆರ್. ಹೆಗ್ಡೆರ್ ತುಳುಕೊಟ ಕಟ್ಪಾದ್ ದಿಂಜ ಉಮೇದ್ ಕೊರಿನಾರ್. ತುಳುಕ್ಕು ದ್ರಾವಿಡ ಬಾಸೆದ ಗತ್ತ್ಯನ್ ದಪ್ಪಾದ್ ಕೊರ್ತಿನ ಹೆಗ್ಡೆರ್ 1972ಟ್ ಯಾನ್ ಪುತ್ತೂರುಡು ತುಳುಕೊಟದ ಎಗ್ಗನ್ ನಡಿನಪಗ ಶಿರ್ತಾಡಿ ಧರ್ಮರಾಜ್, ಅಗ್ರಾಳ ಪುರಂದರ ರೈ, ಅಮೃತ ಸೋಮೇಶ್ವರ, ಕುದ್ವಾಡಿ ವಿಶ್ವನಾಥ ರೈ, ಬಾಬು ಶೆಟ್ಟಿ ಇಂಚ ದುಂಬು ಬಯ್ಲಿನ ಎಂಕ್ಲೆಗ್ ಬಲ್ಪಿನ ದಿಂಜಾಯೆರ್. ಆತ್ತಂದೆ ತುಳುಕ್ಕಾದ್ ಬೆನೆರೆ ಹೆಗ್ಡೆರ್ ಎಂಕ್ಲೆಗ್ ಬೂಲ್ಯ ಕೊರಿಯೆರ್. ಅರೆನ ಮುಗ್ಗ ತೆಲೆಕೆ, ಜೋಕ್ಲೆ ಮನಸ್, ಆರ್ ಮಲ್ಪುನ ವಾ ಕೆಲಸ ಕಾರ್ಯೊಗ್ಲಾ ಎಂಕ್ಲೆಲಾ ಕೈಕೊರ್ದು ಜಯ್ಪೆರೆ ಏರೆಗ್ಲಾ ದೂಜಿಕಲ್‌ದಲೆಕ್ಲೆ ಒಯ್ಯೊಂಡು. ಲಚ್ಚನಚ್ಚತ್ತೊಡು ಒರಿ ಚಂದ್ರನಂಚ ಎಂಕ್ಲೆಗ್ ತುಳು ಬೆನ್ನಿದ ಬೇಲೆಗ್ ತಂಪು ಕೊಂಡುರ್. ಇಂಚಿತ್ತಿ ಹೆಗ್ಡೆರೆನ ಸ್ವರ್ಗೀಯ ಆತ್ಮೊಗು ಶಾಂತಿ ತಿಕ್ಕಡೆಂದ್ 'ತುಳುವೆರೆ ತುಡರ್' ಪ್ರಾರ್ಥನೆ ಮಲ್ಪುಂಡು.

5. ತೂಟಿ (ಸಂಪಾದಕೆರ್ : ಪೇರೂರು ಜಾರು)

ತುಳು ಬಾಸೆದ ಕಾಪು, ಎಡ್ಲೆಪ್ಪು ಮದಿಪುಗಾದ್ ಪೊಂಬುರ್ದಿನ ಎಸ್.ಆರ್. ಹೆಗ್ಡೆರ್ ಕರಿನ 27 ವರ್ಸೊಲೆಡ್ ಮಲ್ತಿ ಬೇಲೆಲು ಏನಿಗ್ಲಾ ಮದತ್ರೆ ಪೋವಂದ್. ಕೂಟ

ಕಟ್ಟಿಯೆರ್. ಪತ್ರಿಕೆ ಮಲ್ತೆರ್, ಪ್ರೆಸ್ ಮಲ್ತೆರ್, ಸಭೆ ಸಮ್ಮೇಳನ ಮಲ್ತೆರ್, ಅಲ್ಲಲ್ಲ ಕೂಟ ತಾಪನೆ ಮಲ್ತೆರ್, ನಾಟಕ ಸಪ್ತಾಹ ಮಲ್ತೆರ್, ಸಿನೇಮ ಪ್ರಶಸ್ತಿ ಕೊರ್ಪಾಯೆರ್, ವಿಶ್ವ ತುಳು ಸಮ್ಮೇಳನ ಮಲ್ತೆರ್. ಇತ್ತೆ ಕಣ್ಣ ಮದೆ ಆಯಿನ ಪುಣ್ಯಾತ್ಮನ ಸ್ವರ್ಗೀಯ ಆತ್ಮೋಗು ತುಳುವರೆ 'ತೂಟೆ' ಚಿರಶಾಂತಿ ನಟ್ಟುಂಡು.

ಎಸ್.ಆರ್. ಹೆಗ್ಡೆರೆನ ಜೀವಮಾನೊದ ಘಟನೆಲು

- 1934 : ಜನನ
- 1940 : ಶಾಲೆಗ್ ಸೇರ್ದಿನೆ
- 1945 : ಹೈಸ್ಕೂಲ್ಡ I ಫಾರ್ಮ್‌ಗು ಸೇರ್ದೆರ್
- 1952 : ಮೆಟ್ರಿಗ್ ಪಾಸಾದ್ ಕಾಲೇಜ್‌ಗ್ ಸೇರ್ದೆರ್
- 1955 : ಕಾಲೇಜ್ ವಿದ್ಯಾರ್ಥಿ ಸಂಘ ಅಧ್ಯಕ್ಷೆರ್ ಆದ್ ಆಯ್ಕೆ
- 1956 : ಬಿ.ಎ. ಪಾಸಾದ್ ಕಾನೂನು ಕಾಲೇಜ್‌ಗ್ ಸೇರ್ದೆರ್
- 1959 : L.L.B. ಪಾಸಾದ್ ವಕೀಲತ್ ಅಭ್ಯಾಸ ಸುರು.
- 1961 : ಕಂಕನಾಡಿಡ್ ವಕೀಲೆರೆನ ಕಚೇರಿ ಆರಂಭ.
- 1966 : ಮದಿಮೆ
- 1969 : ಕುಡ್ಲ ತುಳುಕೂಟ ಸ್ಥಾಪನೆ
- 1971 : 1. 'ತುಳುಕೂಟ' ತಿಂಗೊಲ್ಲ ತುಳುಪತ್ರಿಕೆ ಆರಂಭ
2. ಮಡಿಕೇರಿಡ್ ತುಳುಕೂಟ ಎಗ್ಗೆ ಸ್ಥಾಪನೆ
- 1972 : 1. ಪುತ್ತೂರು, ಬೆಂಗಳೂರುಡು ತುಳುಕೂಟ ಎಗ್ಗೆ ಸ್ಥಾಪನೆ
2. ತುಳುನಾಡ್ ಪ್ರೆಸ್ ಸ್ಥಾಪನೆ
- 1973 : 1. ಬೊಂಬಾಯಿಡ್ ತುಳುಕೂಟ ಎಗ್ಗೆ ಸ್ಥಾಪನೆ
2. ತುಳು ಸಮಾವೇಶ
- 1974 : 1. ತುಳು ಸಮಾವೇಶ 2. ತುಳು ಸಿನೇಮ ಪ್ರಶಸ್ತಿ ಪ್ರದಾನ
- 1975 : 1. ತುಳು ನಾಟಕ ಸಪ್ತಾಹ 2. ತುಳು ಸಿನೇಮ ಪ್ರಶಸ್ತಿ ಪ್ರದಾನ
3. ತುಳು ಸಮಾವೇಶ
- 1976 : 1. ತುಳು ನಾಟಕ ಸಪ್ತಾಹ 2. ತುಳು ಸಿನೇಮ ಪ್ರಶಸ್ತಿ ಪ್ರದಾನ
3. ಧರ್ಮಸ್ಥಳ ರತ್ನವರ್ಮ ಹೆಗ್ಡೆ ತುಳುನಾಟ ಕೃತಿ ಪ್ರಶಸ್ತಿ ಆರಂಭ
- 1977 : 1. ತುಳುನಾಟಕ ಸಪ್ತಾಹ 2. ಬದಿ ವಿರೋಧಿ ಚಳವಳಿ
- 1978 : ಕೇಂದ್ರ ಮಂತ್ರಿ ಆಡ್ವಾನಿ ಭೇಟಿ ಬೊಕ್ಕ ಮನವಿ ಅರ್ಪಣೆ
- 1980 : ಸರ್ವಜಾತಿ ಗುರ್ಕಾರ್ನೆನ ಸಭೆ
- 1984 : 1. ಅ.ಭಾ. ತುಳು ಸಮ್ಮೇಳನ 2. ಬದಿ ವಿರೋಧಿ ಸಂಘ ಸ್ಥಾಪನೆ

- 1987 : ಬಿಸು ಪರ್ಬ ಆಚರಣೆ ಆರಂಭ
 1989 : 1. ಅ.ಭಾ. ತುಳು ಸಮ್ಮೇಳನ 2. ಅ.ಭಾ. ತುಳು ಒಕ್ಕೂಟ ಸ್ಥಾಪನೆ
 1990 : ದುಬೈಗೆ ಪೋಯರ್
 1994 : ಸುರೂತ ವಿಶ್ವ ತುಳು ಸಮ್ಮೇಳನ
 1996 : ಮರಣ

ಎಸ್.ಆರ್. ಹೆಗ್ಡೆರನ ನುಡಿ ಮುತ್ತುಲು

ಬಿಗಿನ ಭಾಷಣಗಾರ ಹೆಗ್ಡೆರ್ ಕೋರ್ಟ್‌ನ ಬೊಕ್ಕ ಶಾಲೆ ಕಾಲೇಜ್‌ನ ಸಭೆ ಸಮಾರಂಭ ಬುಡುಂಡ ಬೇತೆ ಸಭೆಕ್ಲೆಡ್ ತುಳುಟೇ ಪಾತೆರ್ದಿನಾರ್. ಎಡ್ಡೆ ತೆರಿದಿ ವಾಗ್ಮಿ ತನ್ನ ಭಾಷಣದ ನಡುಟು ಈ ತಿರ್ತಿ ಬರೆತಿ ನುಡಿಮುತ್ತುಲು ಬರೊಂದಿತ್ತ.

1. ಮನಸ್ಸೆಡೊಂಜಿ ಪಾತೆರಡೊಂಜಿ ಚರ್ಯೆದಕ್ಲೆಡ್ಡ್ ಬತ್ತಿನ ಎರೋಧ ನಮ್ಮ ಕಾರ್ಯಶುದ್ಧಿಡ್ಡಾದ್ ತೆಲಾದ್ ಪೋವು.
2. ಒರೊಗು ಸೋಲಾಂಡಲಾ ನಮ್ಮ ಪ್ರಯತ್ನಗ್ ಎಪಲಾ ಗೇಲ್ ತಿಕ್ಕಂದೆ ಉಪ್ಪಂದ್.
3. ಮಣ್ಣು ಒಕ್ಕುನ ಕೋರಿ ಆಪುನೆಡ್ಡ್ ಪರ್ಯಾ ಕುಕ್ಕು ಕೊಡಪುನ ಕೆಕ್ಕೆ ಆಪುನೆಡ್ಡೆ.
4. ಪತ್ತದ ಮಯಿ ಕಪ್ಪಾಂಡಲ ಅವು ಕೊರ್ಪಿ ಪೇರ್ ಮಾತ್ರ ಬೊಲ್ಲೆ.
5. ಮದ್ಯೆ ಆನಗ ಸಾರಸಾರ ಬದಿ ದೆತೊನುನಾಯಡ್ಡ್ ಕಂಬ್ಲಡ್ ಗಿಡದೆರೆನ್ನ ಬೀಲ ಪತ್ತದ್ ಪದಕ ದೆತೊನುನಾಯ ಬಿಸೆ.
6. ಪೊಣ್ಣುನಾ ಬದಿನ್ನಾ ಒಟ್ಟಿಗೆ ಕೈ ಪತ್ತುನಾಯೆ ಚಲ್ ಬುದ್ಧಿಯೆ.
7. ಕಂಬ್ಲದೆರೆನ್ನ ದಪ್ಪರಾಪುಜಿ. ಬದಿತ ಅಂಗಲಾಪು ದೆಪ್ಪರಾಪುಜಿ.
8. ವಾಸನೆ ಬತ್ತಂಡ ಮೂಂಕು ಮುಚ್ಚೊಲಿ. ದೂಷಣೆ ಬತ್ತಂಡ ಮೋಣೆನೇ ಮುಚ್ಚೊಡಾವು.
9. ಬಾಕಿದಕ್ಲೆಗ್ ತಡಿಲ್ಲಂಚ ಇತ್ತಿನಾಯೆಲಾ ತೆಡಿಲ್ಡ್ಡ್ ಬಚಾವು ಆವೆರೆ ಸಾಧ್ಯ ಇಜ್ಜಿ.
10. ಬುದ್ಧಿಶಕ್ತಿ, ಶುದ್ಧಚರ್ಯೆ, ಧೈರ್ಯ ಇತ್ತಂಡ ಪತ್ತಿನ ಕೆಲಸೊಡು ಗೇಲ್ ತಪ್ಪಂದ್.
11. ಪೇರ್ ಕೊರ್ಪಿನ ಎರ್ಮೆಗ್ ಪಲ್ಲದ ಕೆಸರ್ಡ್ ದಿಂಜ ಇಷ್ಟ.
12. ಇಲ್ಲದ ಚಾಕ್ರಿದಾಯನಲಾ ಇಲ್ಲಡೆ ಬತ್ತಿ ಬಿನ್ನನಲಾ ಪಾತೆರಕೆಕ್ಕ ಪರಾಕ್ ಇಜ್ಜಿ?
13. ನಮನೇ ತಿನ್ನುಂಡುಂದು ಪಿಲಿನ್ ಕೆರ್ಪ. ಅರಿಬಾರ್ ತಿನ್ನುಂಡುಂದು ಎಲಿನ್ ಕೆರ್ಪ.
14. ನಮ ತರೆ ಬಗ್ಗಾವುನ ಕೆಲಸಿನ ಕೆಲಸಲಾ, ನಮ ತರೆ ಬಗ್ಗಾವುನ ಹಿರಿಯೆರೆ ಗುಣಲಾ ಎಂಚಿನಂದ್ ನಂಕ್ ತೆರಿಯಂದೆ?
15. ತುದೆ ದಾಂಟರೆ ಓಡ ಇತ್ತಂಡನೇ ಯಾರಂದ್, ಧೈರ್ಯಲಾ ಬೋಡು.
16. ಜಡ ಪತ್ತಿನ ಬಡ್ಡೆ ಕಾಯೊದಾಯೆ ಆಡ್ಕೆ ತಿನರೆಗ್ ಆವೆ ಆತ್ತಂದೆ ಎಡ್ಡೆ ಕೆಲಸದಾಯೆ ಆವಯೆ.

17. ಬ್ಯಾರದಾಯೆ ಪಣವು ಕೇನ್ವೆ. ಶಿವಾಯಿ ನಮ ಕಷ್ಟ ಸುಖ ಕೇನಯೆ.
18. ಮೆಯಿ ಕಿರ್‌ಂಬೆರೆ ಬಿರೆಲ್‌ದ ಉಗುರು ಯಾವು, ಬಿಸತ್ತಿ ಬೊಡ್ಡಿ.
19. ಬಂಜಿದ ಬಡವು ತೆಕ್ಕರೆ ಕೆರೆಂಗ್ ಯಾವು, ಮುಣ್ಣೆ ಬೊಡ್ಡಿ.
20. ತೆಮ್ಮೊನಾಂಡಲ ಲವ್ವಂದೆ ಉಪ್ಪೊಲಿ, ತುಂಬಿಲ್ ಮಾತ್ರ ಉಂತಂದ್.
21. ಸಮುದ್ರದ ನೀರ್‌ನ್ ಕರಾದ್ ದತ್ತಿನ ಉಪ್ಪು ಕರವೆರೆ ಕುಡ ನೀರೆ ಬೋಡು.
22. ಲಕ್ಷಣ ಮೋನೆದಾಲೆಗ್ ಮುಗುರು ತೆಲ್ಕೆನೇ ಪದ್ದಯಿ.
23. ಪೊರ್ಲುಡಪ್ಪ ಲಕ್ಷಣಲಾ ಇತ್ತಿನಾಲೆಗ್ ವಾ ಅಲಂಕಾರಲಾ ಬೊಡ್ಡಿ.
24. ಕಂಡೊಡು ಉರುದಾಂತೆ ಬೇಲೆ ಬೆನ್ನುನಾಯಗ್ ಬರ್ಸ-ದೊಂಬು ನಾಟಂದ್.
25. ಸೂರ್ಪನಖಿ ಮುಸುಡ್ಡಾಲ್ ಸ್ನೋ ಪಾಡರ್ ಪಾಂಡಲಾ ರಂಬೆನ ರೂಪ ಬರಂದ್.
26. ಕದೀಮೆರೆಗ್ ಮುಂಡಾಸ್ ಕಟ್ಟೊಡಲಾ ಗುರ್ಕಾರ್ತೆದ ಮರ್ಯಾದೆ ತಿಕ್ಕಂದ್.
27. ಪ್ರಚಾರ್ ಡಂಬಾಚಾರೊಗು ದಾಂತಿನವು ಬರಂದ್, ಇತ್ತಿನವು ಪೋವಂದ್.
28. ಕಾಲಬತ್ತಿನಂಚೆ ನಾಲಯಿ ತಿರ್ಗಾವುನ ಬಿಸೆನೇ ಮಲ್ಲಜನ.

ಎಸ್.ಆರ್. ಹೆಗ್ಡೆರೆನ ಬಗ್ಗೆ ಅಭಿಪ್ರಾಯೊಲು

ಡಾ. ಪಾಲ್ತಾಡಿ ರಾಮಕೃಷ್ಣ ಆಚಾರ್ (ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ ಗುರ್ಕಾರ್)

ಕುಡ್ಲ ತುಳುಕೂಟದ ಉದಿಯಬೆಂದಿನ ಶೆಟ್ಟಿಬೆಟ್ಟು ರಮಾನಂದ ಹೆಗ್ಡೆರ್ ತುಳು ಸಾಹಿತ್ಯದ ಪೋಷಕ ಆದ್, ತುಳು ಅಭಿಮಾನಿಲೆನ ಸಂಘಟಕ ಆದ್ ಮಲ್ಲ ಪುದರ್ ಪಡೆಯಿನಾರ್. ತನ್ನ ಬದ್‌ಕಾನ್ ತುಳುವಪ್ಪೆನ ಎಡ್ಡೆಪುಗಂದೇ ಗಂಧೊದ ಕೊರಡ್‌ದಲೆಕೆ ತರೆತಿನಾರ್. ಮಲ್ಲ ಮನಸ್‌ದ ಎಸ್.ಆರ್. ಹೆಗ್ಡೆರ್ ಬಡಪೊತ್ತುಡಿತ್ತಿ ಏತೋ ಜನೊಕು ಬೆರಿಸಾಯೊ ಮಲ್ತಿನಾರ್. ವಿಶ್ವ ತುಳು ಸಮ್ಮೇಳನದಂಚಿತ್ತಿ ಮಲ್ಲ ಲೇಸ್‌ನ್ ಪೊರ್ಲು ಪೊಲಿಗಡ್ ನಡಪಯಿನಾರ್. ತುಳು ಸಂಸ್ಕೃತಿಗ್ ಬೆರಿ ಮುಳ್ಳಾದ್ ನಾಲ್ ನಾಡೊಮೆರ್ ತುಳುತ ಕಮ್ಮೆನೊ ಪಸರುಲೆಕ ಮಲ್ತಿನ ತುಳುವಪ್ಪೆನ ಮಾಮಲ್ಲ ಮಗ ಹೆಗ್ಡೆರ್ ತನ್ನ ಈತ್ ಮಾತ ಕಜ್ಜೊಡ್ಡಾವರೆನೆ ಲುಂಗೊದಿತ್ತಿನ ತುಳು ಕದಿಕೆ ಪಂತಿದ ಕೊಡಿ ತೆಗ್‌ಲ್‌ಂಡ್. ತುಳು ಬಾಸೆ, ಸಾಹಿತ್ಯ ನಾಡ್‌ಡಿಯ ನೆಗ್‌ತ್‌ಂಡ್.

ಮನೋಹರ ಪ್ರಸಾದ್ ('ಉದಯವಾಣಿ' ದೈನಿಕೊದ ಕುಡ್ಲದ ನ್ಯೂಸ್ ಬ್ಯೂರೊ ಚೀಫ್)

ಕುಡ್ಲದ ಕೆನರಾ ಕಾಲೇಜಿಡ್ ಯಾನ್ ವಿದ್ಯಾರ್ಥಿ ಆದಿಪ್ಪನಗ 1976ಟ್ ಒಂಜಿ ಕಾರ್ಯಕ್ರಮೊಕ್ಕು ಮಲ್ಲ ಬಿನ್ನೆ ಆದ್ ಬತ್ತಿ ಬೊಕ್ಕೊನೇ ಎಂಕ್ ಎಸ್.ಆರ್. ಹೆಗ್ಡೆರೆನ ಪರಿಚಯ. ಏರೆಡಲಾ ತೆಲ್ತದೇ ಪಾತೆರುನ ಸಜ್ಜನೆ. ತುಳು, ಕನ್ನಡ, ಇಂಗ್ಲಿಷ್‌ಡ್ ಮಲ್ಲ ವಾಗ್ಗಿ ಮಾತೆರೆಡಲಾ ಅರೆಗಿತ್ತಿ ಪ್ರೀತಿ ಅರೆನ ಎಡ್ಡೆ ಮನಸ್‌ನ್ ತೆರ್ಪಾವುಂಡು. ಏತೋ ಸರ್ತಿ ನ್ಯಾಯಾಂಗಗ್ ಸಂಬಂಧಪಟ್ಟಿ ಸುದ್ದಿದ ಬಗ್ಗೆ ಅರೆನ ಮಾರ್ಗದರ್ಶನ ಪಡೆವೊಂದೆ

1989ಟ್ ಮೂಲ್ವಿಡಾತಿನ ಅಖಿಲ ಭಾರತ ತುಳು ಸಮ್ಮೇಳನದ ಬೊಕ್ಕ ಎಂಕ್ ಆರೆನ ಸ್ನೇಹ ಹೆಚ್ಚಾಂಡ್. ಆರೆನ ಸಂಘಟನಾ ಚಾತುರ್ಮ ನಯವಿನಯ, ಸೌಮ್ಯ ಪಾತೆರೊಗು ಮೆಚ್ಚಿದ್. ತುಳುಭಾಷೆ ಸಂಸ್ಕೃತ ಮಿತ್ತ್ ಆರೆಗಿತ್ತಿ ಮೋಕೆ ಏನಿಗ್ಲಾ ಮದಪ್ಪರಾವಂದಿನೆವು.

ಆಡ್ಯಾರ್ ಮಹಾಬಲ ಶೆಟ್ಟಿ (ಅ.ಭಾ. ತುಳು ಒಕ್ಕೂಟದ ಮಾಜಿ ಗುರ್ಕಾರ್)

ಎಸ್.ಆರ್. ಹೆಗ್ಡೆರ್ 1969-96 ನಡುತ 27 ವರ್ಸೊಡು ಮಲ್ತಿ ಬೇಲೆಡ್ಡಾದೇ ತುಳುಕ್ತು ಇನಿ ಗೌರವೊದ ಸ್ಥಾನಮಾನ ತಿಕ್ಕಾಂಡ್. ಒಡಿಪುದ ಪಣಿಯಾಡಿಡಾರೆ ಗುರ್ಕಾರ್ಡೆ ನಡತಿನ ತುಳು ಚಳವಳಿಡ್ ಬೊಕ್ಕ ಮೂಲೆಪತ್ತೆಡ್ ಮರತ್ ಪೋತಿನ ತುಳುತಂಚಿ ಸರ್ಕಾರದಲಾ ಗೇನ ಒಯಿಪುಂಚಿ ಕೆಲಸ ಮಲ್ತಿನಾರ್. ವಿಶ್ವ ತುಳು ಸಮ್ಮೇಳನ ಉದಿಪನ ಮಲ್ತಿನ ಕರ್ನಾಟಕದ ಮುಖ್ಯಮಂತ್ರಿ ತುಳುವೆ ಶ್ರೀ ಎಂ. ವೀರಪ್ಪ ಮ್ಯಾಲಿಯರ್ 1994 ಎಪ್ರಿಲ್ 22ತಾನಿ ವೇದಿಕೆಡೇ ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿತ್ತ ಘೋಷಣೆ ಮಲ್ತೆರ್. ನೆತ್ತ ಮೂಲ ಕಾರಣಕರ್ತೆ ಮಾಮಲ್ಲ ಸಂಘಟಕೆಲಾ ವಿಶ್ವ ತುಳು ಸಮ್ಮೇಳನ ನಡಪಾಯಿನಾರ್ಲಾ ಆಯಿನ ಹೆಗ್ಡೆರ್. ಆರೆನಂಚಿತ್ತಿ ಸಾತ್ವಿಕೆ, ಸಜ್ಜನನ್ ಯಾನ್ ತೂತಿಜಿ. ಹೆಗ್ಡೆರ್ ಮಾಮಲ್ಲ ತುಳು ಪ್ರೇಮಿ. ಆರೆಡೆ ಎಂಕ್ ದಿಂಜ ಪ್ರೀತಿ, ಗೌರವ.

ಬಿ.ಎನ್. ಹರೀಶ್ ಬೋಳೂರು (ಅ.ಭಾ. ತುಳು ಒಕ್ಕೂಟದ ಮಾಜಿ ಖಜಾಂಚಿ)

ತನ್ನ ಭಾಷಣೊಡು ಏವೆಲಾ ತುಳುವೆರ್ ತುಲುವ ಪೆಲಕಾಯಿದಂಚಂದ್, ಮಸ್ತ್ ಮಿದುಂದು ಪನೊಂದಿತ್ತಿನ ಎಸ್.ಆರ್. ಹೆಗ್ಡೆರ್ ತುಳು ಬಾಸೆ, ಸಾಹಿತ್ಯ, ಸಂಸ್ಕೃತ ಮಾಮಲ್ಲ ಅಭಿಮಾನಿ. ಹೆಗ್ಡೆರ್ ಮಾಮಲ್ಲ ಸಂಘಟಕೆ ಆದಿತ್ತೆರ್. ಕುಡ್ಲ ತುಳುಕೂಟ ಸ್ಥಾಪಕರಾಯಿನ ಆರೆಡ್ಲೇ ತುಳುನಾಡ್ಡ್ ತುಳುವೆರೆನನೇ ಇನ್ನಾರೊಗು ಕಾರಣ ಆದಿತ್ತಿ ತುಳು ಬಾಸೆಗ್ ಪೊಸ ಪುಟ್ಟು ಪೊಸ ಚೈತನ್ಯ, ಪೊಸ ಒರು ತಿಕ್ಕಾಂಡ್. ಹೆಗ್ಡೆರ್ ತುಳುನಾಡ್ಲ ರಡ್ಲೆನೇ ಪಣಿಯಾಡಿಂ ಪಂಡಲಾ ತಪ್ಪತ್ತೆ. ಹೆಗ್ಡೆರ್ ನಿಜವಾದ್ಲಾ ಪುಲ್ಯಾನಗ ನೆನೆಪೊಡಾಯಿನ ಮಾಮಲ್ಲ ವ್ಯಕ್ತಿ.

ಬಿ. ದಾಮೋದರ ನಿಸರ್ಗ (ಕುಡ್ಲ ತುಳುಕೂಟದ ಗುರ್ಕಾರ್)

ತುಳು ಬಾಸೆ, ಸಂಸ್ಕೃತಿ ತೆಗ್ಲೆಲ್ ತಿರ್ಲ್ ಪೂರ್ಲು ದಿಂಜೆದ್, ಅಯಿಕ್ ಇನಿತ ಅಬ್ಬೊದ ಒರು ತಿಕ್ಕರೆ ಎಸ್.ಆರ್. ಹೆಗ್ಡೆರೇ ಕಾರಣ. ಕುಡ್ಲ ತುಳುಕೂಟ ಕಟ್ಲೆಡ್, ತುಳುಕು ಪೊಸ ಚೈತನ್ಯ ಕೊರ್ದಿನಾರೇ ಹೆಗ್ಡೆರ್. ತನ್ನ ಸಂಪಾದನೆದ ಒಂಜಿ ಭಾಗೊನು ತುಳುತ್ ಬೇಲೆಲೆಗ್ ಖರ್ಚಿ ಮಲ್ತೊಂದು ತನ್ನ ಅವುಸೊನ್ನಾ ಕಾಯಶಕ್ತಿನ್ನಾ ತುಳುವೆಪ್ಪೆ ಉಳಿಗೊಗು ಅರ್ಪಣೆ ಮಲ್ತಿನಾರ್. ಅಂಚಿತ್ತಿ ಮಾಮಲ್ಲ ತೇಜಸ್ವಿ ಎಸ್.ಆರ್. ಹೆಗ್ಡೆರ್.

ಜಪ್ಪು ರಾಮಪ್ಪ (ಗಲ್ಫ್ಡ್ 25 ವರ್ಷ ಬೆನ್ನಿನ ಮೇರ್ ಮಸ್ಕಟ್ ತುಳುಕೂಟದ ಸ್ಥಾಪಕ ಗುರ್ಕಾರ್)

ತನ್ನ ಜೀವಮಾನೊದ 27 ವರ್ಷ ತುಳು ಬಾಸೆ, ಸಂಸ್ಕೃತಿನ ಕಾತೊಂದು, ಬಲಪ್ಪಾವರೆ ಎಡೇನ ಸೊಂದಿನ ಎಸ್.ಆರ್. ಹೆಗ್ಡೆರ್ ವಿಶ್ವ ತುಳು ಸಮ್ಮೇಳನ ನಡಪಾಯಿನಾರ್. ಎನ್ನ ಮಿತ್ತ ಅರೆಗಿತ್ತಿ ಪ್ರೀತಿ ವಿಶ್ವಾಸೊನು ಯಾನ್ ಏಪಲಾ ಮರಪಯಿ. ಅರೆನೆಂಚಿ ಸಜ್ಜನೆ, ಸಾತ್ವಿಕ ವ್ಯಕ್ತಿ ಬೇತೊರಿಯನ್ ಯಾನ್ ತೊತಿಜಿ. ಮಾಮಲ್ಲ ತುಳುಪ್ರೇಮಿ. ಎಂಕ್ ಆರ್ ತೋಜಿದಿನ ಪ್ರೀತಿಗ್ ಯಾನ್ ಚಿರಋಣಿಯಾದುಲ್ಲೆ.

ಪ್ರಮೋದ ಕೆ. ಸುವರ್ಣ (ಕುಡ್ಲ ತುಳುಕೂಟದ ಒತ್ತು ಗುರ್ಕಾರ್)

ಎಡ್ಡೆ ಪುದರ್ಡೆ ವಕೀಲರಾದ್ತಿನ ಎಸ್.ಆರ್. ಹೆಗ್ಡೆರ್ ಇಲ್ಲಡ್ಲಾ ಕೆಟ್ಟಗಾರರೆಡ್ಲಾ ಸಭೆ-ಸಮಾರಂಭಡ್ಲಾ ತುಳುಟೇ ಪಾತರ್ದಿನಾರ್. ತುಳುಟು ಬರೆಲೇ ಬರೆಲೇಂದ್ ಎಂಕ್ ಉಮೇದ್ ಕೊರ್ತಿನ ಆರ್ ಅಖಿಲ ಭಾರತ ತುಳು ಒಕ್ಕೂಟದ ಮೂಲಕ ರಡ್ಡ್ ಕಬಿತೆ ಕೋಪೆಲೆನ್ (1. ಅಟಲ್ 2. ಪ್ರಾತಿನಿಧಿಕ ತುಳು ಕಬಿತೆಲು) ಪ್ರಕಟ ಮಲ್ತಾದೆರ್. ನಾಟಕ ಬರೆಪಿನೆಕ್ಲೆಗ್, ಪತ್ರಿಕೆ ಮಲ್ಪನೆಕ್ಲೆಗ್ ಉಮೇದ್ ಕೊರೊಂದಿತ್ತೆರ್. ನಾಟಕ ಬರೆಪಿನೆಕ್ಲೆಗ್, ಪತ್ರಿಕೆ ಮಲ್ಪನೆಕ್ಲೆಗ್ ಉಮೇದ್ ಕೊರೊಂದಿತ್ತೆರ್. ಕುಡ್ಲ ಆಕಾಶವಾಣಿಡ್ ತುಳು ಕಾರ್ಯಕ್ರಮೊಕ್ಕ ದಿಂಜ ಕಾಲಾವಕಾಶಕ್ಕಾತ್ರ ಪೊಣೆತಿನಾರ್. ಶಾಲೆ ಕಾಲೇಜೆಲೆಗ್ ಮಲ್ಲ ಬೆನ್ನೆ ಆದ್ ಪೋಯಿನಪಗ ಸಾಹಿತ್ಯ ಪ್ರೇಮಿ ವಿದ್ಯಾರ್ಥಿಲೆಗ್ ತುಳುಟಾ ಬರೆಲೇಂದ್ ಬೆರಿ ಬೊಟ್ಟುದಿನಾರ್. ತುಳು ಹೆಗ್ಡೆರ್ನ ಕಾಯದ ಸುಯಿಲ್ ಬೊಕ್ಕ ಪ್ರಾಣನೇ ಆದಿತ್ತೆಂಡ್.


ಕೆ.ಎನ್. ಟೈಲರ್ (ಶ್ರೀ ಗಣೇಶ ನಾಟಕ ಸಭಾತ್ವ ಸ್ಥಾಪಕ ಗುರ್ಕಾರ್)

ತುಳುಕೂಟದ ಎಗ್ಗೆನ್ ಅಲ್ಲಲ್ಪ ಉದಿಪನ ಮಲ್ತಿನಪಗ ಬೊಕ್ಕ 'ತುಳುಕೂಟ' ಪನ್ನಿ ಪತ್ರಿಕೆ ಬುಡುಗಡೆ ಮಲ್ತಿನಪಗ ಎಸ್.ಆರ್. ಹೆಗ್ಡೆರ್ಗೆ ಯಾನ್ ಬೆರಿಸಾಯ ಮಲ್ಲೆ ನಿಜವಾದ್ಲಾ ತುಳುತ್ವ ಮಿತ್ತ ಅರೆಗಿತ್ತಿ ಮೋಕೆ ಆತೀತತ್ತ್. ಯಾನೇ ಬರೆದ್ ಎನ್ನ ನಾಟಕ ಸಭಾ ತಂಡದ ಮೂಲಕ ಗೊಬ್ಬುದಿನ 18 ನಾಟಕನ್ಲಾ ಆರ್ ತೊದು ಮೆಚ್ಚಿದೆರ್. ತುಳುತ್ವ ಮಾತ ಸಿನೇಮೊನ್ಲಾ ತೊದು ಉಮೇದ್ ಕೊರ್ತೆರ್. ಆರ್ ಮಲ್ಲ ವಕೀಲರಾದಿತ್ತೆಂಡಲಾ ಅರೆನ ಕೆಟ್ಟಗಾರರೆಡ್ ಹೆಚ್ಚಿನಕ್ಲೆ ಪಾಪದಕ್ಲೆ ಬೂಟುನ್ನಿನವು ಅರೆಡ ಇತ್ತಿಜಿ. ಮಾತೆರ್ಲಾ ತೆಲ್ಲೊಂದು ಕುಸಾಲ್ ಪಾತೆರೊಂದಿತ್ತಿನಾರ್. ತುಳು ಪಂಡ ಅರೆಗ್ ಜೀವದ ಗಂಟ್. ಆತ್ಲಾ ಮೋಕೆ ಬೊಕ್ಕ ಅಭಿಮಾನ.

ನಿರಲ ನೆಂಪುಲು



ಎಸ್.ಆರ್. ಹೆಗ್ಡೆ
ಬಿ.ವಿ. ಡಿಗ್ರಿ ಪಾಸಾತಿನಪಗ
(1956)



ಎಸ್.ಆರ್. ಹೆಗ್ಡೆ
ಜಿಲ್ಲಾ ಸರ್ಕಾರಿ ವಕೀಲರಾದ
ನೇಮಕ ಆಯಿನಪಗ (1994)



ಸುವಾಸಿನಿ-ರಮಾನಂದ
(ಎಸ್.ಆರ್. ಹೆಗ್ಡೆ)
ದಾಂಪತ್ಯ ಬದ್ಕದ
ಸುರುಟು (1966)



ಎಸ್.ಆರ್. ಹೆಗ್ಡೆ ಕುಟುಮ
ರಾಜೇಶ್ ಆರ್. ಹೆಗ್ಡೆ ಸುವಾಸಿನಿ, ಎಸ್.ಆರ್. ಹೆಗ್ಡೆ ರಾಕೇಶ್ ಆರ್. ಹೆಗ್ಡೆ (1990)



ಎಸ್.ಆರ್. ಹೆಗ್ಡೆರನ ಪರಮಮಿತ್ರ ಬೊಕ್ಕ ಕುಡ್ಲ ತುಳುಕೂಟದ ಒತ್ತು ಗುರ್ಕಾರೆ ಆದ್ತಿನ ಬ್ಲೆಸಿಯಸ್ ಎಂ. ಡಿ'ಸೋಜೆರ್ 1991ಟ್ ಕರ್ನಾಟಕ ಸರ್ಕಾರದ ಮಂತ್ರಿ ಆತಿನ ಸಂದರ್ಭಡ್ ಕುಡ್ಲ ತುಳುಕೂಟ ಅರೆಗ್ ಸಂಮಾನ ಮಲ್ತ್ಂಡ್. ಅದಗ ಎಸ್.ಕೆ. ಅಮೀನ್ ತುಳುಕೂಟ ಗುರ್ಕಾರ್, ಕಾರ್ಯಂತೆ ರತ್ನಕುಮಾರ್ ಎಂ., ಖಜಾಂಚಿ ಪ್ರಭಾಕರ ಶೆಟ್ಟಿ ಎಸ್.ಆರ್. ಹೆಗ್ಡೆ ಬ್ಲೆಸಿಯಸ್ ಡಿ'ಸೋಜ, ಎಸ್.ಕೆ. ಅಮೀನ್, ಕೆ.ಎಂ. ಆಳ್ವ ಉಲ್ಲೆರ್.



ತುಳುಕೂಟದ ಸಕ್ರಿಯ ಸದಸ್ಯೆ ಎಸ್.ಪಿ. ಮಂಚಿ ಅರೆನ ಕಬಿತೆ ಕೋಪೆನ್
ಎಸ್.ಆರ್. ಹೆಗ್ಡೆ ಬುಡುಗಡೆ ಮಲ್ತೊಂದುಪ್ಪುನ ಪೊರ್ತು (1992)



ಕನ್ನಡ ತುಳು ವಿದ್ವಾಂಸೆ ಏರ್ಯ ಲಕ್ಷ್ಮೀನಾರಾಯಣ ಆಳ್ವೆರೆನ ಗುರ್ಕಾರ್ಲೆಡ್ ನಡತಿನ
ದೀಪೋಲಿ ಪರ್ಬದ ಲೇಸ್‌ಡ್ ಎಸ್.ಆರ್. ಹೆಗ್ಡೆ (1993)



1990ಟ್ ಎಸ್.ಆರ್. ಹೆಗ್ಡೆರ್ ದುಬೈಗ್ ಪೋತಿನ ಸಂದರ್ಭ್ ಅಲ್ಪದ ತುಳುವೆರ್
ಡಾ. ಬಿ.ಆರ್. ಶೆಟ್ಟಿನ ಮುತಾಲಿಕೆಡ್ ಸಭೆ ಸೇರಿತ್ತೆರ್. ಆ ಲೇಸ್‌ದ ಉದಿಪನದ ಪೂರ್ತು.




ಎಸ್.ಆರ್. ಹೆಗ್ಡೆರ್ ದುಬೈಡ್ ಪ್ರವಾಸಿ ಆದ್ ಒಂಜಿ ವಾರ ಇತ್ತಿನ ಪೂರ್ತುಡು
ಯುವಿ ತುಳುವೆರೆಡ್ ತುಳುಪರ್ವ ನಡತ್‌ಂಡ್.
ಹೆಗ್ಡೆರ್ ಬೊಕ್ಕ ಸುವಾಸಿನಿಯಕ್ ಪರ್ಬದ ಲೇಸ್‌ಡಿತ್ತೆರ್.



1994ಟ್ ವಿಶ್ವ ತುಳು ಸಮ್ಮೇಳನ ನಡತಿನಪಗ ಅಯಿತ ಉದಿಪನ ಮಲ್ತಿನ ಅದಗದ ಮುಖ್ಯಮಂತ್ರಿ ಎಂ. ವೀರಪ್ಪ ವ್ಯಾಯಿಲಿಯೆರೆನ್ ಎದ್ಯೊಂದಿನ ಪೊರ್ತು. ಮೇಯರ್ ಯುನಿಸ್‌ಬ್ರಿಟೊ, ದಾಮೋದರ ನಿಸರ್ಗ ಉಲ್ಲೆರ್.

ಮದಪ್ಪಿಯೆರಾವಂದಿ ತುಳುವೆರ್ (ತುಳು ಮಾಲಿಕೆ)

- | | |
|---|-----------------------------|
| 01. ರೆವೆರೆಂಡ್ ಆಗಸ್ಟ್ ಮೇನರ್ (1995) | ಡಾ. ಪದ್ಮನಾಭ ಕೇಕುಣ್ಣಾಯ |
| 02. ಬಾಯಾರು ಸಂಕಯ್ಯ ಭಾಗವತೆರ್ (1995) | ವೆಂಕಟರಾಜ ಪುಣಿಂಚತ್ತಾಯ |
| 03. ಬಡಕಬೈಲ್ ಪರಮೇಸ್ವಯ್ಯೆರ್ (1995) | ಮಂದಾರ ಕೇಶವ ಭಟ್ |
| 04. ಮೂವೆರ್ ತಿಂಗಳಾಯೆರ್ (1995) | ಯಜ್ಞಾವತಿ ಕೇಶವ ಕಂಗನ್ |
| 05. ಎನ್. ಎ. ಶೀನಪ್ಪ ಹೆಗ್ಡೆರ್ (1995) | ಅ. ಬಾಲಕೃಷ್ಣ ಶೆಟ್ಟಿ ಪೊಳಲಿ |
| 06. ಎಸ್. ಯು. ಪಣಿಯಾಡಿ (1996) | ಮುರಳೀಧರ ಉಪಾಧ್ಯ |
| 07. ಧರ್ಮಸ್ಥಳ ಮಂಜಯ್ಯ ಹೆಗ್ಡೆರ್ (1995) | ನಾಗರಾಜ ಪೂವಣಿ (ನಾವುಜೆರೆ) |
| 08. ಎನ್.ಎಸ್. ಕಿಲ್ಲೆ (1995) | ಕಯ್ಯಾರ ಕಿಂಞಣ್ಣ ರೈ |
| 09. ದೂಮಪ್ಪ ಮಾಸ್ತರ್ (1997) | ಕೆ. ಲೀಲಾವತಿ |
| 10. ಮಟ್ಟಾರು ವಿಠಲ ಹೆಗ್ಡೆ (1997) | ಎಮ್. ರತ್ನಕುಮಾರ್ |
| 11. ಸತ್ಯ ಮಿತ್ರ ಬಂಗೇರ (1997) | ಡಾ. ಪೀಟರ್‌ವಿಲ್ಸನ್ ಪ್ರಭಾಕರ್ |
| 12. ವಿಶು ಕುಮಾರ್ (1997) | ಮಾಧವ ಕುಲಾಲ್ |
| 13. ನರ್ಕಳ ಮಾರಪ್ಪ ಶೆಟ್ಟಿ (1997) | ಎನ್. ರಘುನಾಥ ಶೆಟ್ಟಿ |
| 14. ಮಂದಾರ ಕೇಶವ ಭಟ್ (1998) | ಡಾ. ಎಂ. ಪ್ರಭಾಕರ ಜೋಶಿ |
| 15. ಕೆಮ್ಮೂರು ದೊಡ್ಡಣ್ಣ ಶೆಟ್ಟಿ (1998) | ಕ್ಯಾಥರಿನ್ ರಾಡಿಗಸ್ |
| 16. ಬಿ. ರಾಮ ಕಿರೋಡಿಯನ್ (1998) | ಮುಂಡಪ್ಪ ಬೋಳೂರು |
| 17. ನವಯುಗದ ಹೊನ್ನಯ ಶೆಟ್ಟಿ (1998) | ನರೇಂದ್ರ ರೈ ದೇರ್ಲ |
| 18. ಕು.ಶಿ. ಹರಿದಾಸ ಭಟ್ (2001) | ಡಾ. ಗಣನಾಥ ಎಕ್ಕಾರ್ |
| 19. ಅ. ಬಾಲಕೃಷ್ಣ ಶೆಟ್ಟಿ ಪೊಳಲಿ (2002) | ಎನ್. ಪಿ. ಶೆಟ್ಟಿ |
| 20. ಕಲಾ ತಪ್ಪಿ ಕೆ.ಕೆ. ಹೆಬ್ಬಾರ್ (2002) | ಡಾ. ಸುನೀತಾ ಎಮ್. ಶೆಟ್ಟಿ |
| 21. ಡಾ.ಕೋಟ ಶಿವರಾಮ ಕಾರಂತೆರ್ (2003) | ಡಾ. ಪಾಲ್ವಾಡಿ ರಾಮಕೃಷ್ಣ ಆಚಾರ್ |
| 22. ಕೆದಂಬಾಡಿ ಜತ್ತಪ್ಪ ರೈ (ದ.ಪ್ರ.) (2004) | ಡಾ. ಕೆ. ತಿಮ್ಮಪ್ಪ ರೈ |
| 23. ಗೀತಾಚಾರ್ಯೆ
ಕೆಲಿಂಜ ಸೀತಾರಾಮ ಆಳ್ವೆರ್ (2008) | ವಿಜಯ ಕುಮಾರ್ ಭಂಡಾರಿ |
| 24. ಕೆ.ಲೀಲಾವತಿ (2008) | ಮುಂಡಪ್ಪ ಬೋಳೂರು, ರೋಹಿಣಿ |
| 25. ಸುಬ್ರಾಯ ಭಟ್ (2008) | ಜಯಂತಿ |
| 26. ಕೆ.ಬಿ. ಭಂಡಾರಿ (2008) | ಡಾ. ವಾಮನ ನಂದಾವರ |
| 27. ಮುಲ್ಕಿ ಸುಂದರ ರಾಮ ಶೆಟ್ಟಿ (2011) | ಎನ್. ಪಿ. ಶೆಟ್ಟಿ |
| 28. ನಂದೋಳಿಗೆ ಮುದ್ದಣ್ಣ (2011) | ನಂದಳಿಕೆ ಬಾಲಚಂದ್ರ ರಾವ್ |
| 29. ಎಸ್.ಆರ್. ಹೆಗ್ಡೆ (2011) | ರತ್ನಕುಮಾರ್ ಎಂ. |
| 30. ಕಾರ್ನಾಡ್ ಸದಾಶಿವರಾಯೆರ್ (ಅಚ್ಚಿನಲ್ಲಿ) | ಮಂಜುಳಾ ಶೆಟ್ಟಿ |
| 31. ರತ್ನಾಕರವರ್ಣಿ (ಅಚ್ಚಿನಲ್ಲಿ) | ಮುನಿರಾಜ ರೆಂಜಾಳ |



ಒವ್ವಾಂಡಲಾ ಒಂಜಿ ಮರ್ಗಿಲ್ಡ್ ತುಳುಬಾಸೆ ಸಂಸ್ಕೃತಿ, ತುಳು ಸಂಪೊತ್ತುದ ಬುಳೆಚಿಲ್‌ಗಾದ್ ಅಕುಲೆ ಸೇವೆ ಸಂದ್‌ದಿತ್ತಾಂಡ ಅಂಚಿನ ಪುಣ್ಯಾತ್ಮರೆನ ಬದ್ಕ, ಸಾಧನೆಲೆನ್ ನೆಂಪುಡು ಒರಿತೊನುವು ನಮ್ಮ ಧರ್ಮೊ. ಈ ನಿಲೆಟ್ ಕರಿದ್ ಪೋಯಿನಕುಲೆನ ಪುದರ್‌ಡ್ ಅಕಾಡೆಮಿ ಬೂಕುಲೆನ್ ಬರೆಪಾದ್ 'ಮದಪ್ಪೆರಾವಂದಿ

ತುಳುವೆರ್' ಪನ್ನಿ ಗ್ರಂತಮಾಲೆಡ್ ಬೊಳ್ಳುಗು ಕನವೊಂದುಂಡು.

ಎಸ್.ಆರ್. ಹೆಗ್ಡೆ ಪಂಡ್‌ದ್ ಪುದರ್ ಪಡೆಯಿನ ಶೆಟ್ಟಿಬೆಟ್ಟು ರಮಾನಂದ ಹೆಗ್ಡೆರ್ ಕುಡಲದ ತುಳುಕೂಟದ ಸುರುತ ಗುರಿಕಾರೆ. ಆ ಪೂರ್ತುಗು ತುಳು ಬಾಸೆ, ಸಂಸ್ಕೃತಿಗ್ ಕರ್ಜಿಮೆ ಕಬಿದಿತ್ತಾಂಡ್. ಕರ್ಜಿಮೆನ್ ತೆಲಪದ್ ಬೊಲ್ಪು ತೋಜವುನ ಕಚ್ಚೊ ಕೈಕೊನ್ಯರೆಗಾದ್ ದುಂಬು ಬತ್ತಿನ ನೆಸರ್ ಪಂಡ ಎಸ್.ಆರ್. ಹೆಗ್ಡೆರ್.

ಆರ್ ಬಜೀ ತುಳು ಬಾಸೆದ ಮಾತ್ರ ಅತ್ತ ಒಟ್ಟು ಸಮಾಜೊದ ಉದ್ಧಾರಗಾದ್ ಹೋರಾಟ ಮಲ್ತಿನಾರ್. ಅಪಗದ ಪೂರ್ತುಡು ಕೆಲವು ಜಾತಿದ ಜವ್ವನೆರೆಡ ಬದಿತ ಕೊದಿ ಬಾರಿ ಎಚ್ಚಾದಿತ್ತಾಂಡ್. ಬದಿ ದೆತ್ತೊಂದ್ ಮದಿಮೆ ಆಪಿನವು ಕಾನೂನು ಪ್ರಕಾರ ತಪ್ಪಾಂಡಲಾ ಗುಟ್ಟುಡು ಬದಿತ ವೈವಾಟ್ ನಡಪವೊಂದಿತ್ತೆರ್. ಕಮ್ಮಿ ಬದಿ ಕೊರ್ಡು ಪೊಣ್ಣನ್ ಮದಿಮೆ ಮಲ್ತ್ ಕೊರ್ಪಿನ ತನ್ನಲೆನ ಗತ್ತಾಗ್ ಕುಂದುಂದು ಕೆಲವು ಅಪ್ಪೆ ಅಮ್ಮೆಲ ಎನ್ನೊಂದಿತ್ತೆರ್. ಬದಿತ ಎದುರುಂತುದು ಹೋರಾಟ ಮಲ್ತಿನಾರ್ ಹೆಗ್ಡೆರ್.

ಎಸ್.ಆರ್. ಹೆಗ್ಡೆರೆನ ಬಗೆಟ್ ಬೂಕು ಬರೆವೊಡಂಡ ಅರೆನೊಟ್ಟಿಗೆ ತುಳುತ್ತ ಬುಳೆಚಿಲ್‌ಗಾದ್ ರಾತ್ರ ಪಗೆಲ್ ಬೆಂದಿನ ರತ್ನಕುಮಾರೆರ್ ಮಾತ್ರ ಯೋಗ್ಯೆರ್ ಪಂಡ್‌ದ್ ಎನ್ನೊಂದು ಆರೆಡ ಈ ಬೂಕು ಬರೆದ್ ಕೊರ್ಯೆರೆ ಕೇನೊಂಡೆ. ತುಳುಕೂಟಡ್ ಕಾರ್ಯಂತೆಯಾದ್ ಬೇಲೆ ಬೆಂದೊಂದಿಪ್ಪಿನಾರ್. ಆರ್ ಕಸುಬುಡು ಪತ್ರಕರ್ತೆ. ಬೇತೆ ಬೇತೆ ಪತ್ರಿಕೆಲೆಡ್ ಕೆಲಸ ಮಲ್ತದೆರ್. ಇತ್ತೆಲಾ ಮಲ್ತೊಂದುಲ್ಲೆರ್. ಇತ್ತೆ ಆರ್ ಅಖಿಲ ಭಾರತ ತುಳು ಒಕ್ಕೂಟೊದ ಕಾರ್ಯಂತೆರಾದುಲ್ಲೆರ್. ತುಳುಟ್ಟು ಕೆಲವು ಬೂಕುಲೆನ್ ಬರೆತೆರ್. ಆರ್ ಕವಿಯಾದ್ ರಕುಮನ ಪದೊಕುಲು, ರತ್ನ ಕರ್ಮ ಇಂಚಿನ ಕಬಿತೆದ ಕೋಪಲೆನ್ ಬೊಲ್ಪುಗು ಕನತ್‌ದೆರ್. ಮಟ್ಟಾರು ವಿಠಲ ಹೆಗ್ಡೆರೆನ ಬಗೆಟ್ ಬೂಕು ಬರೆತೆರ್.

ಡಾ. ಪಾಲ್ವಾಡಿ ರಾಮಕೃಷ್ಣ ಆಚಾರ್
(ಗುರ್ಕಾರೆ ಪಾತೆರೊದ ತಿರ್ಲೆ)